

說文解字義證

說文解字第十一 義證第三十四

曲阜桂馥學



水出東郡濮陽南入鉅野從水僕聲

博木切

水出東郡濮陽者水經注瓠子河云秦始皇置東郡治濮陽縣濮水逕其南故曰濮陽也又引京相璠曰濮水故道在濮陽南水經瓠子河出東郡濮陽縣北河東至濟陰句陽縣爲新溝又東北過廩邱縣爲濮水馥案此乃濮之枝渠地理志陳留郡封邱縣濮渠水首受沛東北至都關入羊里水船注瓠子北有都關縣故城縣有羊里亭瓠河逕其南爲羊里水釋例土地名哀二十七年傳濮下注云濮自陳留酸棗縣受河東北經濟陰至高平鉅野縣入濟史記衛世家石碣與陳侯共謀因殺州吁于濮索隱曰賈逵云濮陳地按濮水首受河又受汴汴亦受河東北至離狐分爲二俱東北至鉅野入沛則濮在曹南之閒賈言陳地非也若據地理志陳留封邱縣濮水受沛當言陳留水也春申君傳王又割濮磨之北集解云徐廣曰濮水北於鉅野入濟馥謂此皆濮渠也南入鉅野者地理志東郡濮

陽縣下應劭曰
濰水南入鉅野



齊魯閔水也從水樂聲春秋傳曰公會齊侯于濰

盧谷

切

齊魯閔水也者五經文字濰齊水名玉篇濰水在濟南寰
宇記歷城縣濰水在縣西南二百步會鞏齊州二堂記歷
城之西有泉涌出高或至數尺其旁之人名之曰釣突之
泉蓋泉自渴馬之崖潛流地中而至此復出也其注而北
則謂之濰水水經注濟水云濟水又東北濰水入焉水出
歷城縣故城西南泉源上奮水涌若輪又北流注于濟謂
之濰口也春秋傳曰公會齊侯于濰者桓十
八年經文杜注濰水在濟南歷城縣西北入濟



水在魯從水龍聲

苦郭切

水在魯者春秋襄十九年取邾田自濰水杜注濰水出東
海合鄉縣西南經魯國至高平湖陸縣入泗哀二年季孫
斯叔孫州仇仲孫何忌帥師伐邾取邾東田及沂西田范
甯云鄒沂皆水名九域志兗州鄒縣有濰水寰宇記費縣

泲水 源出縣西南連青山下左氏襄十九年取邾則自泲水今按水發源自山下東北流又折而西南流入徐州滕縣界水經泗水云又西過瑕邱縣東屈從縣東南流泲水從東來注之酈注泲水出東海合鄉縣其水西南流入邾又逕魯國鄒山東南而西南流春秋左傳所謂嶧山也又西南逕蕃縣故城南又西逕薛縣故城北又西逕仲虺城北又西至湖陸縣入于泗故京相璠曰薛縣泲水首受蕃縣西注山陽湖陸是也經言瑕邱東誤耳

淨

魯北城門池也從水爭聲

土耕切又才性切

魯北城門池也者顧炎武曰公羊閔公二年傳桓公使高子將南陽之甲立僖公而城魯或曰自鹿門至於爭門者是也或曰自爭門至於吏門者是也注爭門吏門竝闕按說文淨魯北城門池也从水爭聲士耕切是淨門卽以此水名省文作爭爾後人以滯字省作淨音才性切而梵書用之自南北史以下俱爲才性之淨而魯之爭門不復知矣復案字或作埽廣韻埽魯城北門池也

泉

水出東郡東武陽入海從水巛聲桑欽云出平原高

唐他合切

水出東郡東武陽者郡國志東郡東武陽濕水出又平原
 郡高唐濕水出又平原有濕陰縣應劭曰東武陽在武水
 之陽水經注以武水即濕水六書故云濕漢志作漂禹貢
 浮于濟漂達于河孟子論濟漂而注諸海是也史記夏本
 紀浮於濟漂索隱漂水出東郡東武陽縣北至于乘縣而
 入于海地理志東郡東武陽禹治漂水東北至于乘入海
 過郡三行千二十里穆天子傳天子自五鹿東征釣于漂
 水又云天子飲於漂水之上注云漂水今濟陰漂陰縣音
 杏揚雄兗州箴濟漂既通水經注河水云故瀆又東北人
 東武陽縣東入河又有漂水出焉戴延之謂之武水也鄆
 注尚書漂水出東郡東武陽陳琳為袁紹檄豫州文青州
 涉濟漂太康地記漂沃縣屬樂陵國元和志齊州臨邑縣
 漂水北去縣七里通典漂水在漢之東郡東武陽縣今魏
 郡莘縣有東武陽城無此水矣漂音他合反又棗州蒲臺
 縣下云漢漂沃縣漢志千乘郡淫沃水經注河水作漂沃
 又引地理風俗記曰千乘縣西北五十里有大河河北有
 漂沃城又與濕溷後漢書襄楷傳平原濕陰人注云濕陰
 縣在濕水之南漢書王子侯表濕成侯忠史記作濕即西

河之隰城縣京二十三年左傳戰於犁邱杜云犁邱隰也
釋文作濕云本又作隰隰隸變從累北魏鄭義碑原隰生
光又變從累建城鄉侯劉靖碑隰作隰釋地下注曰隰陸
德明本作隰云隰本或作隰音習後魏武德于府君義橋
碑隰又作隰荀子不苟篇窮則弃而僂楊注僂當爲濕字
書無僂字韓詩外傳作弃而累也五經文字濕兗州水名
經典相承以爲燥溼之溼別以濕爲此字華嚴經音義溼
失入反經本有作濕者音他合反此乃平原郡之水名耳
廣川書跋郟閭頌醜散關之嶰濕徒朝陽之平燥濕當作
濕燥當作燥馥案孫叔敖碑下濕穉穉皆以濕爲溼字
入海者地理風俗記濕水東北至千乘入海唐高宗問許
敬宗曰書稱浮于濟濕今濟濕斷不相屬敬宗曰不言合
濕者濕自東武陽至千乘入海也 桑欽云出平原高唐
者此出欽所作地理志班志平原郡濕陰下應劭曰濕水
出東武陽東北入海又高唐下桑欽言濕水所出功臣表
駟望侯冷廣以濕沃公土又濕陰定侯昆邪魏書地形志
樂陵郡有濕沃縣平原郡博平縣有濕水宗俱碑陰平原
濕陰郭巨石室畫象平原濕陰韓勅後碑陰平原濕陰工
宣蘇衡等題名平原濕陰馬象黃度曰以水經注元和志
寰宇記諸書考之濟水最南濕水在中河水最北今者小

清所經自歷城以東如章邱鄒平長山新城高苑博興樂安諸縣皆古濟水所行而大清所經自歷城以上至東阿因皆濟水故道而自歷城東北如濟陽齊東青城諸縣則皆古潔水所行蒲臺以北則故河水所經蓋宋時河嘗行漚瀆及河去則大清兼行河漚二瀆其小清所行則斷爲濟水故道也胡渭曰漢志東郡東武陽縣下云禹治潔水東北至千乘入海又平原郡高唐縣下云桑欽言潔水所出今按禹引河自大伾山西折而北循大陸東畔入海而漚首受河自黎陽宿胥口始不起東武陽也水經注所敘河水自宿胥口又東右逕滑臺城又東北逕黎陽縣南又東北逕涼城縣又東北逕伍子胥廟南又東北爲長壽津河之故瀆出焉河水又東逕鐵邱南又東北逕濮陽縣北又東北逕衛國縣南又東逕鄆城縣北又東北逕范縣之秦亭西又東北逕委粟津皆古潔水也自周定王五年河徙從宿胥口東行潔川至長壽津始與潔別其津以西潔水之故道悉爲河所占而上游較短矣然河之故瀆不經東武陽亦不經高唐迨漢成帝建始末河決館陶山東武陽絕潔水而東北至高唐又絕潔水東北至千乘入海雖嘗塞治而故道猶存王莽始建國三年復決於此莽爲元城冢墓計不隄塞明帝永平中王景脩之遂爲大河之經

流自是委粟津以西潔水之故道又爲河所占上游益短矣潔水一出於武陽再出於高唐據成帝後言之耳

沔

水出山陽平樂東北入泗從水包聲

匹交切

水出山陽平樂者地理志山陽郡平樂侯國泡水東北至沛入泗沛本或作沛水經注泗水云泡水卽豐水之上源也水上承大薺陂東逕己氏縣故城北又東逕平樂縣右合泡水又東逕豐縣故城南又東合黃水水上舊有梁謂之泡橋元和志沛縣泡水卽豐水也西去縣百五十步九域志徐州沛縣豐縣俱有泡水或通作苞通鑑步尼公引兵趣苞橋沛縣民燒苞橋夜於林中擊鼓魏以宋兵大至爭渡苞水東北入泗者水經注泡水又東逕沛縣故城南述征記曰城極大四周壘通豐水豐水於城南東注泗卽泡水也

荷

荷澤水在山陽胡陵禹貢浮于淮泗達于荷從水荷

聲古俄切

荷澤水在山陽胡陵者胡當爲湖禹貢釋文引作水出山陽湖陵南玉篇荷澤水在山陽湖陵南禹貢山水澤地荷

說文解字義登

全三十耳

連筠移叢書

水在山陽湖陸縣南禹貢豫州導菏澤被孟豬傳云菏澤在湖陸地理志沛陰郡禹貢菏澤在定陶東案括地志謂之龍池又名九卿陂非菏水也鄭注禹貢云自導弱水已下言過言會者皆是水名言至于者或山或澤皆非水名馥案經云又東至于菏然則菏爲澤名也傳寅禹貢集解云許氏說文云菏澤水在山陽湖陸而班固以爲在定陶何也蓋在定陶者其澤也在湖陸者其流也其流東與泗合在今單州之魚臺魚臺在單之東北百里而近正古湖陸地也水經泗水又屈東南過湖陸縣南酈注地理志故湖陸縣也菏水在兩王莽改曰湖陸應劭曰尚書一名湖陸章帝封東平王蒼子曰尚書地理志山陽郡湖陸下云禹貢浮于泗淮通于河水在兩莽曰湖陸應劭曰尚書一名湖陸章帝封東平王倉子爲湖陸侯更名湖陸此條舛誤者八泗淮當作淮泗一也通于河當作通于河二也水在兩當作泗水在兩三也尚書二字當在禹貢二字上不當在應劭曰下四也應劭時稱湖陸已久所引應劭語宜爲地理風俗記湖陸縣之文一名湖當是一名湖陸校漢書者妄刪陸字以起下文有陸字爲更名百五也倉當作蒼六也爲湖陸侯當作爲湖陸侯七也更名湖陸當作更名湖陸八也道元此注亦

有尚書二字蓋校書者據漢志訛本增入說文荷字下云
荷澤水在山陽湖陵引禹貢浮于淮泗達于河而水經濟
水內敘荷水云又東南過湖陸縣南東入於泗水道元注
亦引尚書浮于淮泗達于河今尚書本皆訛作達于河以
尚書及前後漢書水經注互有舛誤彼此紛糾僅就一處
訂正終難了徹故備論之漢志泗水至方輿入沛實入荷
故謂之荷沛水經泗水又南過方輿縣東荷水從西來注
之酈注荷水卽沛水之所苞注以成湖澤也而東與泗水
合于湖陵縣西六十里穀庭城下水經洙水又東過方輿
縣北爲荷水荷水又東過湖陸縣南東入于泗水案由淮
達泗出泗達荷禹貢之故道如此元和志魚臺縣下云荷
水卽濟水也一名五丈溝西自金甕縣界流入去縣十里
又東南流合泗水胡渭曰荷澤在陶邱之東北相去不遠
濟水伏流至陶邱北上奮馳波跳沫東北滙于荷澤又東
北絕鉅野至取槐入海者爲濟潰其一枝東南流至湖陵
入泗者後人目之曰荷水漢志湖陵縣下云荷水在兩者
是湖陵今爲魚臺縣地也許慎云荷澤水在湖陵謂澤之
下流入泗者亦未爲誤自孔傳襲其文曰荷澤在湖陵而
道一水字則在湖陵者爲澤矣釋至于荷又增一水字曰
荷澤之水則定陶之荷澤與湖陵之荷水無別矣酈道元

時孔傳已盛行故宗其說言尚書有導荷澤之說自陶邱
 北東至於荷水又以湖陵入泗為澤水所鍾而不知此特
 荷澤之下流其所鍾則在定陶也且豫州導荷澤被孟豬
 乃導荷澤之餘波南入于孟豬非謂東南至湖陵入泗之
 荷水應乃混而為一種種紕繆皆為孔傳所誤禹貢浮
 于淮泗達于荷者禹貢當作夏書今書作河韻會浮于淮
 泗達于河說者率合傳會或指鴻溝引河入泗為禹迹或
 謂當時必有可達之理今按說文荷字注引禹貢此文則
 是達于荷非達于河許慎所見蓋古文尚書後人傳寫例
 以上下文達于河之句改荷為河陸德明又以河音如字
 遂啟後人淮泗不能達河之疑然其下復云說文作荷工
 可切水出山陽湖陵南則非九河之河明矣如字之音陸
 氏誤也金履祥曰浮于淮泗達于河古文尚書作達于荷
 說文引書亦作荷荷澤與濟水相通而泗水上可以通荷
 下可以通淮徐州浮淮入泗自泗達荷也閩若璩曰浮于
 淮泗達于河陸德明引說文作荷蓋荷者澤名為濟水所
 經又東至于荷者是在豫之東北即徐之西北舟則自淮
 而泗自泗而荷然後由荷入濟以達于河此徐之貢道也
 或曰尚不詳言之余曰以上文兗州浮于濟課達于河次
 青州便浮于汶達于濟不復言達于河矣又次徐州浮于

淮泗達于荷亦不復言達于濟矣至揚州則沿于江海達于淮泗且不復言達于荷不復言者蒙上文也一層脫卸一層雖由當日水道之自然而其敘法從變字法從簡真屬聖經之筆

泗 受沛水東入淮從水四磬

息利切

地理志魯國卞縣泗水西南至方與入沛過郡三行五百里青州川水經泗水出魯卞縣北山酈注地理志曰出濟陰乘氏縣又云出卞縣北經言北山皆爲非矣山海經曰泗水出魯東北余昔因公事沿歷徐兗路逕涑泗因令尋其源流水出卞縣故城東南桃墟西北墟有瀟澤澤西連岡通阜西北四十許里岡之西際便得泗水之源也博物志曰泗出陪尾蓋斯阜者矣括地志泗水源在兗州泗水縣東陪尾山其源有四道因以爲名元和志泗水源出陪尾山其源有四泉俱導因以爲名馥案此皆發源之泗魯語宣公夏溢於泗淵注云泗在魯城北馥案此謂與涑合流之泗地理志沛陰郡乘氏縣泗水東南至睢陵酈注云泗水入淮過郡六行千一百一十里馥案此受沛之泗泗之末流受沛水者徐鍇本作水受沛水馥案受沛水者卽荷水也閻若璩曰或問王伯厚謂漢志有兩泗水其一濟陰郡乘

說文解字義登

字三十四

七

連筠籜叢書

靈石楊氏棐

氏縣注泗水東至睢陵入淮又一泗水魯國卞縣注西南至方輿入沛沛自沛之馮其說信乎余曰殆王氏考之不審泗一而已安得復出乘氏乘氏漢縣袁宇記在鉅野縣西南五十七里班固祇當於卞縣下注曰禹貢泗水出陪尾山西南至方輿與荷合又東南至睢陵入淮只此已足更進一層睢陵仍當作淮陰泗入淮在今清河縣東南謂之泗口亦名清口睢陵則今睢寧縣治耳馮案水經濟水又東至乘氏縣西分爲二其一水東南流其一水從縣東北流入鉅野澤酈注南爲荷水北爲濟潰馮案漢志乘氏之泗水卽沛水泗既入沛沛又南流爲荷則竝受泗之通稱矣說文受沛水沛卽東南流之荷水漢志言入說文言受實不相背說文泗次荷下固有意也水經泗水又南過方輿縣東荷水從西來注之酈注荷水卽濟水之所苞注以成湖澤也而東與泗水合於湖陵縣西六十里穀庭城下馮謂此條若不與沛水參看則漢志說文皆不可通閻氏謂泗不得復出乘氏疎矣又案漢志出卞者泗之源也入沛者乃其中流非末流也乘氏有泗者言入沛之後與沛合而東入淮其合沛在乘氏非謂泗出乘氏也蓋沛卽荷故金仁山謂泗水上可通荷下可入淮也說文祇言其受沛入淮而不及其出卞一節者或因此一節與涑水合

流故就其分流受沛處舉之與東人淮者地理志乘氏泗水東南至睢陵入淮馥案乘氏以下之泗水經以爲沛水乃沛之支流合於泗而自乘氏入淮者泗之經流也本書謂受沛水東入淮者沛之支流隨泗入淮實泗入淮也郭注海內東經云今泗水至高平湖陸縣東南經沛國彭城下邳至臨淮下相縣人淮胡渭曰說文泗受沛水東入淮其所謂沛卽河水也鄭善長云沛在湖陸西而左注泗泗按班固謂泗入濟許慎謂泗受濟而不言荷以荷卽濟也水經濟水篇所敘自乘氏以至湖陸卽分濟之荷自沛縣以至睢陵卽入淮之泗也通典兗州刺史劉遐自彭城退屯泗口寰宇記宿遷縣有泗口馥案淮水經宿遷縣界卽泗入淮之處故曰泗口

水在齊魯間從水巨磬

羽元切

趙策相與會於洹水之上韓非子初見秦篇昔紂爲天子甲兵百萬左飲於淇谿右飲於洹谿淇水竭而洹水不流竹書紀年文丁三年洹水一日三絕魏志武帝紀雷蘇由審配守郡公進軍到洹水北史齊高祖紀同會鄴挾洹水

而軍 隋書禮儀志後齊所祭山川有洹水 國經安陽封都在淇洹二水之間

水在齊魯間者齊當爲晉水經洹水出上黨泫氏縣東過隆慮北又東北出山過鄴縣南又東過內黃縣北東入于白溝鄴注水出洹山在長子縣也又云許慎說文呂忱字林竝云洹水出晉魯之閒馥案河朔訪古記亦引作晉字此水出漳德府林縣東北流至安陽縣城北折而東南流入衛河去齊地遠矣廣韻洹水名在鄴玉篇洹水出汲郡隆慮縣成十七年左傳初啓伯夢涉洹杜注洹水出汲郡隆慮縣東北至魏郡長樂縣入清水釋例洹水出汲郡隆慮縣東北至信城人張甲河北山經神囿之山黃水出焉而東流注于洹注云洹水出汲郡隆慮縣西北俗謂之樂人清水隋圖經洹水出隆慮縣西北俗謂之安陽河即啓伯夢涉之水源出隆慮山下平地九域志相州林慮縣有洹水寰宇記林慮縣漢隆慮縣屬河內郡洹水出縣西北俗謂安陽河即啓伯夢涉之所源出林慮山東平地林慮山在縣西二十里輿地廣記相州臨漳縣本鄴縣後周分東北界置洹水縣

洹水

河灘水在宋從水維啓

於容切

河澗水在宋者釋水水自河出爲澗又云澗反入郭云卽河水決出而復入者河之有澗猶江之有汜廣韻作澗云水名在宋又作雍淮南人閒訓楚莊王勝晉於河雍之閒列子黃帝篇雍水之潘爲澗注云雍音擁河水決出還復入也釋名水從河出曰雍沛言在河岸限內時見雍出則沛然也

澗音一澗水在宋從水亶聲

市連切

澗水在宋者玉篇澗澗在頓邱縣南十三州志澗水在頓邱西南三十五里伏流至繁城西南郡國志沛國杼秋有澗澗聚水經注河水云大河之北卽東武陽縣也左會浮水故澗故澗上承大河于頓邱縣而北出東逕縣陽縣故城南應劭曰縣在縣水之陽張晏曰縣有縣澗春秋襄公二十年經書公與晉侯齊侯盟于澗澗杜預曰在頓邱縣南今名縣澗澗卽縣澗也亦謂之浮水焉馥案今本杜注繁澗作繁汙云此衛地又近戚田范甯亦云衛地九域志澗州臨河縣有澗澗寔字記澗澗在臨河縣東南十七里在黎州東北八十里馥案臨河縣魏東黎縣地魏分汲郡置黎陽郡所領有東黎縣此非宋地



水出泰山蓋臨樂山北入泗從水朱磬

市朱切

水出泰山蓋臨樂山者地理志泰山郡蓋縣臨樂山朱水所出西北至蓋入池水池當爲泗池本作沱與泗形近誤也戴侗曰太山蓋縣今沂水縣寰宇記沂水縣本漢東莞縣漢蓋縣城在縣西北八十里本齊邑漢以爲縣景帝封王皇后兄信爲蓋侯後漢屬泰山郡隋開皇十六年於此城置東安縣屬莒州後廢入沂水縣又云艾山一名樂山在新泰縣東北三十里馥案水經沂水出蓋縣艾不當在沂水縣西北一百七十里水經洙水出泰山蓋縣臨樂山西南至卞縣入于泗鄉注地理志臨樂山洙水所出西北至蓋入泗水或作池字蓋字誤也洙水西南流于卞城西故城兩水之分台也洙水西北流逕孔里北是謂洙泗之閒矣春秋之浚洙非謂始導矣蓋深廣之耳馥案經言西南誤鄭注亦沿其誤春秋莊九年冬浚洙杜注洙水在魯城北下合泗釋例洙水出魯國東北西南入沅水下合泗馥案出字誤當云經魯國東北也入沅水者入沛也泗沛合流故曰合泗北入泗者泗在洙南而云北入者臨樂

山在陪尾之東南洙水西北流以入
泗至魯城北復分流洙在北泗在南

水出青州浸從水兪聲

食聿切

水出者下有闕文地理志琅邪郡東莞縣衛水南至下邳
入泗過郡三行七百一十里青州濰縣注衛水即流水也
音同水經流水出琅邪東莞縣西北山東南過其縣東又
東南過莒縣東又南過陽都縣東人於沂故謂山當是沂
山或轉寫脫沂字廣韻流水名在琅邪今流陽縣在青州
通典流水出東海郡流陽縣流音述元和志泗州漣水縣
下云流水俗名逆水西南自海州流陽縣界流入震字記
沂水縣流水出縣西北沂山南職方氏青州其浸沂流在
縣界七十里又東南入於泗水又云流陽縣流水在城東
南七十步引東流七十里人車路湖齊乘水經注大弁山
與小泰山連麓流水出焉漢志謂之術水元和志云俗名
漣水出沂山東麓又云流水自厚邱縣分爲二今名南漣
北漣也胡渭曰以今輿地言之流水出沂水縣歷莒州沂
州郯城至流陽縣西北分爲二水其一南至邳州人泗即
齊乘所謂南漣水也其一爲左瀆北至海州與安東之游
水合自下游流通稱又北至贛榆入海即齊乘所謂北漣

水也字或作瀉玉篇瀉水在琅邪任緒釣魚處青州汶
者周禮職方氏正東曰青州其汶沂流注云流出東莞

沂水出東海費東西入泗從水斤聲一曰沂水出泰山

蓋青州浸魚衣

切

水出東海費東者水經注許慎說文云沂水出東海費縣
東西入泗從水斤聲呂忱字林亦言是矣淮南地形訓時
泗沂出臺台術高云時泗沂皆水名臺台術皆山名玉篇
沂水出泰山琅瑯縣通典沂山在今琅瑯郡沂水縣卽沂
水所出也馥案水經注云鄭玄云沂出沂山亦或云臨朐
山水有二源南源所導世謂之柞泉北水所發俗謂之魚
窟泉俱東南流合成一川齊乘云鄭康成云沂水出沂山
按今蒙陰縣東北地名南河川小阜之下有曰狗泉此沂
源也東南逕馬頭固山有泉東流與之合北望沂山五十
里殊無別源疑沂山水源古流今竭耳胡渭云接沂山在
今青州府沂水縣北一百十里無沂源又隴崖山在縣西
北一百七十里沂水於此發源是謂狗泉蓋卽康成所謂
沂山也臨朐艾山隴崖疑卽沂山支阜之異名齊乘所謂
狗泉者卽北源之魚窟泉其出馬頭固山者卽南源之柞

泉也 西入泗者御覽引無西字水經作南入泗疑字記

沂水經下邳縣北分爲二水一水於城北西南入泗水一

水經城東廟曲從縣南亦注泗謂之小沂水通鑑注泗水

東南流過下邳縣西沂水南流亦至下邳縣西而南入於

泗 一日沂水出泰山蓋者地理志泰山郡蓋縣沂水南

至下邳人泗過郡五行六百里青州浸又引書淮沂其又

顏注沂出泰山郡國志泰山郡蓋沂水出廣嶺沂水名出

太山博物志沂出太山水經沂水出泰山蓋縣艾山南過

下邳縣西南入於泗襄十八年左傳東侵及淮南及沂土

地名沂水出東莞蓋縣艾山南經琅邪東海至下邳縣入

泗吳語闕爲深溝於商魯之閒北屬之沂注云沂水名出

泰山蓋縣南至下邳人泗鄭注職方沂山沂水所出也在

蓋 青州浸者周禮職方氏青州其山鎮曰沂山其浸沂

流故案漢官解詁徐魯惟沂禹貢沂屬徐至周則徐入青

矣故曰 青州浸



水出齊臨朐高山東北入鉅定從水芊聲

似芊切

水出齊臨朐高山者徐錯本作后亭山地理志齊郡臨朐

后亭山洋水所出東北至廣饒入鉅定顏注洋音祥後案

洋當爲洋音瀾水經巨洋水出朱虛縣泰山北過其縣西
又北過臨朐縣東又北過劇縣西又東北過壽光縣西又
東北入於海鄭注泰山即東小泰山也巨洋水即國語所
謂具水矣袁宏謂之巨味王韶之以爲巨蔑亦或曰胸瀾
皆一水也而廣其曰焉巨洋水自朱虛北入臨朐縣又東
北逕委粟山又東北洋水注之水西出巨膏山西北巨澗
日東南逕逢山祠西又東南歷逢山下即巨膏山也而東
北流世謂之巨溝水東北流於委粟山北而東注於巨
洋謂之巨溝口地理志巨脊山洋水所出是也巨洋水又
西北流而注於巨淀矣東北逕望海臺西東北流又東北
注於海也馥案巨洋水故當作洋巨洋即胸瀾也巨蔑即
巨味之轉音也皆與洋聲相近齊語使海於有蔽渠弼於
有渚賈侍中云海濱也渠弼裨海也馥謂渠弼即巨味
胸瀾之異稱亦與洋聲相近後漢書耿弇傳追至鉅味水
上注云鉅味水一名巨洋水在青州壽光縣西九域
志青州臨朐縣有洧水齊乘云洋水今謂之洧河出沂山
西麓即東泰山也馥謂洋洧聲亦相近玉篇洋匹爾切亦
瀾字類篇瀾瀾水盛兒或作洋馥謂二書雖不以洋爲水
名實有從半之字矣益都楊君嗣曰世謂陽水即洋水案
陽水導源漢之廣縣非出臨朐川土不同自非一水詩泌

之洋洋河水洋洋竝當爲洋洋卽新臺之河水瀾灑也周禮萍氏禁川游者注云備波洋卒至沈溺也此洋字亦當爲洋或曰洋字見於經傳豈得無其字馥曰山海經西山經昆侖之邱洋水出焉而西南流注于醜塗之水水經注河水云洋水導源已山東北流入漢寰宇記洋州眞符縣本漢安陽縣地洋水出縣東北嶺據此則固有洋水矣本書或有洋洋二文形相類遂去其一今以洋當洋字之訓猶鄒當鄒字之訓矣北入鉅定者先入巨泮合巨泮以入鉅定也水經注淄水又東逕巨淀縣故城南征和四年漢武帝幸東萊臨大海三月耕巨淀卽此也縣東南則巨淀湖蓋以水受名也



水出齊郡厲媯山東北入鉅定從水蜀聲

直角切

水出齊郡厲媯山者厲當作廣媯山當作爲山地理志齊郡廣縣爲山濁水所出玉篇濁水出齊郡廣縣水經注淄水云呂忱曰濁水一名溷水出廣縣爲山世謂之冶嶺山北流注巨淀東北入鉅定者地理志濁水東北至廣饒入鉅定水經注淄水又東北馬車瀆水注之受巨淀淀卽濁水所注也復案鉅定卽鉅澱濁水所注故成鉅澱釋名

濁瀆也汁
滓瀆瀆也



水出東海桑瀆覆甌山東北入海一曰灌注也從水

既聲 古代切

水出東海桑瀆覆甌山者東海當為北海地理志北海郡桑積縣覆甌山溉水所出九域志濰州北海縣有灑水寰宇記濰州北海縣溉源山在州東南六十里山形如塔舊名塔山地理志云覆甌山溉水所出水經云溉水出塔山是山有二名天寶六年敕改為溉源山東北入海者地理志溉水東北至都昌入海一曰灌注也者洞簫賦迴江流川而溉其山李善引本書溉猶灌也本書淺川澤所仰以灌溉也莊子逍遙游時雨降矣而猶浸灌秋水篇百川灌河注云灌注也史記河渠書西門豹引漳水溉鄴漢書溝洫志此渠皆可行舟有餘則用溉顏注溉灌也養生論夫為稼於湯之世備有一溉之功者雖終歸於焦爛必一溉者後枯然則一溉之益固不可誣也梁典到溉字茂灌或借槩字七發於是槩槩得中李善云槩與溉同



水出琅邪箕屋山東入海徐州浸夏書曰濰溜其道

從水維聲

切以追

水出琅邪箕屋山者地理志琅邪郡箕縣禹貢維水北至都昌入海過郡三行五百三十里青州濰也郡注禹貢引地理志濰水出琅邪箕屋山本書屋山二字據漢志也齊乘濰水水經云出琅邪箕縣濰山許慎呂忱云箕屋山淮南子云覆舟山廣異名曰實一山也即今清風山在莒州莒縣北百里漢箕侯國地胡渭曰說文濰水出琅邪箕屋山謂琅邪郡箕縣之屋山非名箕屋也水經濰水出琅邪箕縣濰山襄十八年左傳東侵及濰注云濰水在東莞東北至北海都昌縣入海漢書韓信傳與信夾濰水陳顏注濰水出琅邪北箕縣東北經臺昌入海即禹貢所云濰溜其道者也寰宇記莒縣下云箕漢縣宣帝封城陽王子文爲侯卽此邑後漢省併東莞據郡國縣道記引漢志云濰水北至都昌入海又許慎說文呂忱字林竝云濰水出琅邪箕屋山入海又水經云濰水出琅邪箕縣東今按箕山在縣北八十里箕縣蓋因山爲名今故城在縣東北一百餘里其山在濰水之西是也又云濰水源出縣東北

淮山去縣入十三里東北流入諸城縣界禹貢淮瀆其道
 淮南子淮出覆舟山皆淮之異名括地志密州諸縣淮山
 淮水所出隋志淮水在北海郡下密縣元和志輔唐縣淮
 山在縣東北入十三里淮水所出也顧炎武曰淮水其字
 或省水作維或省系作淮又或從心作惟總是一字漢書
 地理志取郛郡朱虛下箕下作維靈門下橫下折泉下作
 淮上文引禹貢惟留其道又作惟一卷之中異文三見古
 人之文或省或借其旁竝從鳥佳之佳則一爾後人誤讀
 為淮沂其久之淮而呼此水為槐河失之矣又曰馬文煒
 曰漢書王子侯表城陽頃王子東淮侯類封北海按北海
 郡別無淮水益淮字之異文又曰通鑑梁武帝紀魏李叔
 仁擊邢杲於惟水胡三省注惟當作淮東入海者水經
 淮水又東北過都昌縣東又東北入於海徐廣曰淮水出
 東莞而東北流至北海都昌縣入海徐州浸者周禮職
 方氏無徐州地理志作青州夏書曰淮瀆其道者禹貢
 青州文木書無瀆字淮地理志引作維顏注維水出琅邪
 箕屋

山



水出琅邪靈門壺山東北入淮從水音聲

五乎切

水出琅邪靈門壺山者地理志琅邪郡靈門縣壺山治水所出水經注濰水云濰水出濰山世謂之巨平山也地理志曰靈門縣有高梁山壺山濰水所出今是山西接濰山許慎說文言水出靈門壺山世謂之濰汶矣三齊記昔者堰濰水濰田數萬頃今尚有餘堰而稻田畔陂存焉寰宇記按郡國縣道記靈門在今縣西南六十里當沂水縣東北一百里有巨平山在縣北濰水側近其山一名濰山濰水源出此山東北入濰者地理志濰水東北入濰水經注濰水東北流而注於濰水寰宇記濰水東北至密州北流入濰湖謂曰濰水世謂之濰汶濰合東汶入濰故有此名



水出琅邪朱虛東泰山東入濰從水文營桑欽說汶水出泰山萊蕪西南入沛

邑運切

述征記泰山郡水皆名汶有北汶巖汶柴汶牟汶皆源別流同詩地理攷董氏日出萊蕪者今須城之汶是也出朱虛者合濰之東南有大汶小汶是也魯氏曰汶水有二出萊蕪縣原山入濰者徐州之汶也出朱虛泰山北又東北入濰者

汶也

水出琅邪朱虛東泰山者也地理志琅邪郡朱虛縣東泰山汶水所出東至安邱入濰姑地志朱虛故城在青州臨朐縣東周禮職方青州其山鎮曰沂山寰宇記云卽東泰山也齊乘臨朐縣沂山卽公玉帶請漢武所封之東泰山也

稷案此爲東汶吳語道汶之上韋注汶齊水名是也沂山在今沂州府沂水縣北一百十里唐爲東嶺今山無汶源

水經汶水出朱虛縣泰山脚注伏琛晏謨並言水出縣東南嶗山山在小泰山東東人濰者水經汶水北過淳于縣西又東北入於濰縣注故夏后氏之斟澶國也其城東北則兩川交會也寰宇記濰州北海縣汶水在縣東南六十里源出沂水縣小泰山入縣界合濰水入海

系欽說汶水出泰山萊蕪者地理志泰山郡汶水出萊蕪西人濟又萊蕪縣下云馮貢汶水出西南人沛系欽所言又浮于汶顏注汶水出泰山郡萊蕪縣原山水經注沛水云李欽曰汶水出泰山萊蕪縣西南人濟馮案李欽當爲桑欽郡同志奈出萊蕪有原山清水出注云杜預曰汶水出水經汶水出泰山萊蕪縣原山縣注汶出牟縣故城西南阜下俗謂之胡廬堆牟縣古牟國俗謂是水爲牟汶也括地

志淄州淄川縣東南七十里原山元和志乾封縣汶水源
出縣東北原山西有流經縣理南去縣三里僖元年左傳
公賜季友汶陽之田杜注汶水出泰山萊蕪縣西入濟後
漢章帝紀宗祀五帝於汶上明堂注云汶水出泰山朱虛
縣萊蕪山從征記汶水出萊蕪西南流通與汶水出今魯
郡萊蕪縣界西南入沛者禹貢浮于汶達于濟又導流
水云又東北會于汶傳云沛與汶合許敬宗對高宗曰流
濟自溫入河伏地南出爲滎澤又伏而出曹濮之闕汶水
從人之故書又言浮汶達濟水經沛水又東北過壽張縣
西界安民亭南汶水從東北來注之淮南地形訓汶出弗
其流合於濟高誘云弗其山在北海朱虛縣東水經注云
余按誘說是乃東汶非經所謂入濟者也蓋其誤證耳春
秋釋例汶水出泰山萊蕪縣西南經濟北至東平須昌縣
入濟寰宇記萊蕪縣汶水出此邑卽閔子騫所謂則吾必
在汶上矣是也西南流入沛詩地理攷引曹氏
曰汶在齊南魯北閔子在汶上者欲北如齊也

汶

水出東萊曲城陽邱山南入海從水台聲

直之切

水出東萊曲城陽邱山者玉篇作陽曲山地理志東萊郡
曲城縣陽邱山治水所出南入海者地理志治水南至

沂入海

水

水出魏郡武安東北入呼沱從水曼聲變籀文從字

子鳩切

廣韻浸下云霑上同出
字林穠案漢書作霑

水出魏郡武安者玉篇浸水出武安縣東東北入呼沱
者地理志魏郡武安霑水東北至東昌入呼沱河周禮職
方氏并州其川序池元和志繁時縣本漢舊縣屬雁門郡
秦戲山一名武夫山在縣東南九十里呼沱水出焉
管者宋本作曼籀
文從字者宋本作寢

水

水出趙國襄國之西山東北入寢從水禺聲

寢俱切

水出趙國襄國之西山者之字衍寢字記卅州龍岡縣秦
以爲信都縣項羽更名襄國漢因不改渴水一名澧水俗
謂之百泉河源出縣東南平地以其導源總納衆泉合成
一川故也又云百泉河在州東南八里水自平地而出其

泉無數故曰百泉是澧河之上源也又沙河縣本漢襄國縣地沙河卽澗水也澗水在縣西北七十一里俗名沙河
水郡國志牛缺遇盜於沙澗之間玉篇澗水出襄國縣東今作虞
東北至任入澗
渠水卽澗水

源

水出趙國襄國東入澗從水虎聲

息移切

水出趙國襄國東入澗者地理志趙國襄國馮水東至朝平入澗馮水卽澗水不知何以譌馮馮

澗

水在常山中邱逢山東入澗從水者聲爾雅曰小州

曰清章與切

水在常山中邱逢山者地理志常山郡中邱逢山長谷諸水所出諸卽渚東入澗者地理志諸水東至張邑人濁濁當爲澗爾雅曰小州曰清者釋水文彼作清釋文云渚字又作渚李巡曰四方有水獨高可處故曰渚釋邱如渚者渚邱郭云水中洲爲渚本書如渚者渚邱水中高者也渚類渚或作渚釋邱又云澤中有邱都邱馥案鄭注檀

引云南方謂都爲清釋名小洲曰清清遮也儀高能遮水使從勿回也廣雅清處也馥案州居也孫炎注九河覆瀟云水中多清往往而有可居之處狀如覆釜之形詩召南江有清傳云清小洲也水岐成清文十年左傳王在清宮注云小洲曰清齊語渠弭於有清卓注水中可居者曰清中山經南望瑯琊清高注水中小洲名清漢書司馬相如傳且齊東階鉅海蘇林曰小洲曰階顏注東有大海之階字與清同也吳郡賦洲清憑隆五臣云小洲曰清馥案潯陽記有鵲清卽杜預所云廬江舒縣東南鵲尾洲也

汶

水出常山石邑井陘東南入於泚從水交聲郝國有

汶縣

下交切

水出常山石邑井陘者徐鍇本作井陘山錯曰漢書石邑縣西有井陘山汶水所出今或作井陘誤也馥案地理志常山郡井陘縣應劭曰井陘山在南音刑又石邑縣井陘山在西北汶水所出寰宇記石邑縣水一名童水東南入於泚者於字行地理志汶水東南至慶陶入泚郝國有汶縣者地理志沛郡汶縣注云汶水所出南入淮馥案此

別是
一水

濟

水出常山房子贊皇山東入泚從水會聲

子禮切

春秋說題辭濟齊也齊度也直也

風俗通濟者齊也齊其度量也

水出常山房子贊皇山者地理志常山郡房子縣贊皇山

石濟水所出郡國志常山國房子贊皇山濟水所出晏氏

類要贊皇縣本漢鄗縣之地有贊皇山元和志贊皇縣贊

皇山在縣東南二十六里穆天子傳至房子登贊皇山是

也濟水源出贊皇山西北流去縣南十里北山經敦與之

山槐水出焉而東流注於泚澤寰宇記贊皇縣槐水隋圖

經云槐水出贊皇山一日泚水亦曰濟水東入泚者地

理志濟水東至慶陶入泚風俗通謂入沮或稱泚爲沮

泚

水在常山從水氐聲

直尼切

水在常山者有關文地理志常山郡元氏縣泚水首受中

邱兩山竊泉谷東至堂陽入黃河北山經敦與之山泚水

出於其陰而東流注於彭水注云今泚水出中邱縣西竊

泉谷東注於堂陽縣入於漳水馥案隋書地理志房子有

彭水元和志趙州臨城縣漢屬常山郡敦與山在縣西南

七十里泚水所出漢書張百韓信擊破趙井陘斬陳餘泚

水上吳質在元城與魏太子箋重以泚水漸漬疆宇



水出涿郡故安東入漆涑從水需聲

人朱切

水出涿郡故安者廣韻濡水名出涿郡乃官切地理志涿郡故安縣閭鄉易水所出東至范陽入濡也水亦至范陽入涑顏注言易水又至范陽入涑也濡音乃官反復案顏注易水乃濡水之訛謂濡水亦至范陽入涑也水經濡水從塞外來東南過海陽縣西南入於海昭七年左傳盟于濡上注云濡水出高陽縣東北至河閒鄭縣入易水水經注易水云其水又東南流歷故安縣北而南注濡水濡水又東南流於容城縣西北大利亭東南合易水而注巨馬水也故地理志曰故安縣閭鄉易水所出至范陽入濡水關闕亦言是矣又注巨馬水云地理志曰涑水東南至容城入於河河即濡水也又注濡水云汙水西北入雅河濡難督相近北俗語謔巨寰宇記易縣本漢故安縣濡水源出縣西北窺獨山南谷酸業或稱望女水通鑑元嘉九年秋七月魏主至濡水注音乃官反濡水即涑水廣輿記濡

河在永平府又云永平府灤州商孤竹國漢海陽縣魏案
水經注玄水又西南迤孤竹城北西入濡水通鑑開元二
年薛訥繫契丹行至灤水山峽中爲伏兵所敗卽濡水也
東入漆涑者漆涑當爲涑渠水經注易水云濡水合渠
許慎曰濡水入涑涑渠二號卽巨馬之異名又注
巨馬水云卽涑水也又云巨馬河亦曰渠水也

田

水出右北平涑靡東南入庚從水壘聲

力軌切

水出右北平涑靡者徐鍇木作涑靡南玉篇水出涑靡縣
南水經注鮑邱水云庚水又西南流涑水注之水出右北
平涑靡縣王莽之涑麻也東南流世謂之車畜水又東南
流謂之北黃水又屈而爲南黃水魏書道武帝西幸馬邑
觀涑源通鑑魏主珪規度涑南將建新都注云自涑水南
抵夏屋山皆涑南地也東南入庚者當云東入庚以南
字屬涑靡下地理志右北平郡涑靡縣涑水南至無終東
入庚又無終縣涑水西至雍奴入海顏注涑音庚卽所云
入庚者同一水也魏案志云涑水入庚顏謂涑庚同也水
經注涑水又西南入於庚水庚水世亦謂之爲柳水也

沽

水出漁陽塞外東入海從水古聲

古胡切

水出遼陽塞外者地理志遼陽郡漁陽縣沽水出塞外東南至泉州入海水經沽河從塞外來南過漁陽狐奴縣北西南與濕餘水合爲潞河酈注沽河出禦夷鎮西北九十里丹花嶺下寰宇記酈縣漢屬漁陽郡酈河一名沽河一名鮑邱水水經注鮑邱水入酈通得潞河之稱矣東入海者水經沽水與滹河合東入於海



水出遼東番汗塞外西南入海從水東聲

音蓋切

水出遼東番汗塞外者汗當爲汗顏師古注漢志音寒西南入海者地理志遼東郡番汗縣沛水出塞外西南入海



水出樂浪鏤方東入海從水貝聲一曰出貝水縣

音拜切

水出樂浪鏤方者應劭曰樂浪故朝鮮國也朝鮮傳復修遼東故塞至浪水爲界顏注浪水在樂浪水經浪水出樂浪鏤方鏤隋書來護兒傳遼東之役率樓船指滄海入自浪水唐書李劫爲浪江道大總管一曰出貝水縣者地

理志樂浪郡沮水縣水西至增池入海水經注云許慎云
沮水出鏤方一日出沮水縣十三州志曰沮水縣在樂浪
東北鏤方縣在郡東蓋出其縣南選鏤方也
東入海者水經沮水東南過臨沮縣東入于海



北方水也從水襄聲

戶乖切

北方水也者北山經註法之山液
澤之水出焉而東北流注於秦澤



水出鴈門陰館爨頭山東入海或曰治水也從水爨

聲力追

切

水出鴈門陰館爨頭山者水經灤水出鴈門陰館縣至漁
陽雍奴縣西入筒溝鄜注筒溝灤水之別名也水經沽河
云南過漁陽狐奴縣北西南與灤餘水合爲灤河又東南
至雍奴縣西爲筒溝鄜注灤水人焉俗謂之合口也寰宇
記代州鴈門縣本漢廣武縣地屬太原郡後漢屬鴈門郡
爨頭山在縣西北六十里卽句注陁西北二十五里山也
後漢書王霸傳可從溫水清注云水經注曰溫餘水出上
谷居庸關東又東過軍都縣南又東過薊縣北益道以運

清也稷案溫餘水即水經之濕餘水濕當為濕燥書濕作
 濕故誤為濕又誤為溫地理志上谷郡軍都縣溫餘水即
 水經濕餘水出上谷居庸關東者也霸所清者溫水非溫
 餘水注引溫餘水誤也溫水即濕水東入海者地理志
 灤水東至泉州入海或曰治水也者地理志鴈門郡陰
 館縣壘頭山治水所出水經注灤水出於壘頭山一日治
 水胡渭曰漢志代郡平舒縣有祁夷水北至桑乾入治
 即灤水亦名桑乾河治或通作台漢書燕刺王旦傳使人
 祠葭水台水晉灼曰
 地理志台水在鴈門



水出北地直路西東入洛從水盧聲

側加切

水出北地直路西者經典借沮字地理志北地郡直路縣
 沮水出東西入洛馥案水經注引作出西東入洛水經沮
 水出北地直路縣東過馮翊郡北東入於洛郡注濁
 水與沮水合分為二水一水東南出即濁水也至白渠與
 澤泉合俗謂之漆水又謂之為漆沮水入於渭水其一水
 東出即沮水也寰宇記耀州華原縣沮水自邠州入縣界
 合漆水入富平石川河東入洛者水經注沮
 水逕粟邑縣故城北又東北流注於洛水也

沂

水起鴈門梭人戍夫山東北入海從水瓜聲

古胡切

水起鴈門梭人戍夫山者地理志梭人屬太原郡魏志武帝紀將征烏桓鑿渠自呼沱入派水名平虜渠魏案司馬懿征公孫淵至饒陽鑿滹沱入派水以運糧通鑑慕容麟追長孫肥至派水注云派水在中山酸棗水經注滹水云唐水出中山城言城中有山故曰中山也輿地志盧奴城北臨滹水面派河魏案水經注滹水云漢高祖立中山郡魏皇始二年赦中山立安州天興三年改曰定州治水南盧奴縣之故城東北入海者水經沽河云沽河與清河合東入於海清河者派河尾也

滹

水起北地靈邱東入河從水寇聲滹水卽漚夷水并

州川也

苦候切

水出北地靈邱者靈邱不屬北地地理志代郡靈邱縣滹河東至文安入大河過郡五行九百四十里并州川水經滹水出代郡靈邱縣高氏山寰宇記定州安喜縣滹水亦名唐河在縣北八里西北自唐縣界流入隋圖經云唐河

說文解字義登

卷三十四

七

連筠箬叢書

卽澗馥案水經注澗水又東逕左人城南城在唐縣西北

亦或謂之為唐水也又東恆水從西來注之卽禹貢所謂

恆衛既從也唐書賈敦頤傳瀛州瀕滹沱澹二水歲溢温

壞室廬漫洳數百里馥案水經注澹水歷安國縣東分為

二水一水枝分流入滹沱東入河者北山經高是之山

澹水出焉東流注於河郭注澹水過博陵縣南又東北入

於易水水經注澹水至長城注於易水馥案鄭注易水云

逕鄆縣故城北東至文安縣與滹沱河合是以班固闕駟

之徒咸以斯水謂之南易馥謂澹所入卽南易長城在今

文安縣界澹水卽漚夷水并州川也者周禮職方氏并

州其川庠池漚夷注云漚夷祁夷與出平舒胡渭曰按漢

志代郡平舒縣有祁夷水北至桑乾入治治卽灤水亦名

桑乾河漢桑乾縣故城在今山西大同府蔚州西北平舒

則州屬廣靈縣也縣南有壺流河卽古祁夷水源出縣西

東北流至蔚州入桑乾河不經曲陽縣界鄭說非是水經

注云澹水卽漚夷之水也元和志靈邱縣本漢舊縣屬代

郡漚夷水一名澹水出縣西北高是山周禮曰并州其川

漚夷謂此也錢君大昕曰地理志川曰庠池漚夷注漚夷

出平舒按師古之注本於鄭氏周禮注蓋以祁夷當漚夷

也然孟堅賈以澹水為漚夷故於代郡靈邱縣云澹河東

至文安入大河并州川而於平舒之祁夷水不云并州川是班與鄭異也顏注宗鄭却失孟堅之旨

涑

水起北地廣昌東入河從水來聲并州浸

洛哀切

水起北地廣昌者廣昌不屬北地地理志代郡廣昌縣涑水東南至容城入河過郡三行五百里并州篇通典涑水在今安邊郡飛狐縣界元和志涑水縣涑水一名巨馬河在東北二里袁紹崔巨業攻固安不下公孫瓚賊之於涑水厥者六七千人卽此水也東入河者玉篇涑水出代郡東南入河并州浸者周禮職方氏正北曰并州其浸涑易注云涑出廣昌

泥

水出北地郁郅北蠻中從水尼聲

奴低切

水出北地郁郅北蠻中者地理志北地郡郁郅縣泥水出蠻夷中又泥陽縣應劭曰泥水出郁郅北蠻中晉地道記泥水出郁郅北蠻中史記酈商傳蘇驥軍於泥陽正義泥谷水源出羅川縣東北泥陽源側有泉於泥中潛流二十餘步而流入泥谷寰宇記坊州中部縣泥水水經云泥水出翟道縣泥谷今按圖經泥谷水在縣西北五十里源自

栲栳谷來通鑑後
秦主苻軍於泥源

水

西河美稷係東北水從水南聲

乃威切

西河美稷係東北水者初印本無北字水經注河水云河
水又左得浦水口水出西河郡美稷縣東南流羌人因水
以氏之漢冲帝時羌蒲孤奴歸化蓋其渠帥也其水俗亦
謂之爲邁波水東流入於河文選播岳關中詩虛晶浦德
李善注蒲羌號也說文曰浦水出
西河美稷縣故羌人因水爲姓

水

水出西河中陽北沙南入河從水焉聲

乙乾切

水出西河中陽北沙者水經汾水云又南過大陵縣東鄴
注汾水於縣左池爲鄠澤廣雅曰水自汾出爲汾陂其陂
東西四里南北十餘里陂南接鄠地理志曰九澤在北并
州藪也呂氏春秋謂之大陸又名之曰滹澗之澤俗謂之
鄠城泊許慎說文曰滹水出西河中陽縣北沙南入河卽
此水也 焉聲者焉當爲鳥鄠注所謂鄠澤也廣韻滹水
滹集韻滹水名篆譌從焉音隨形變讀乙乾切實應讀安
古切鄠引本書原作滹後人據誤本說文改爲滹 南入

河者中陽潁河
故滂入河也

涇

河津也在西河西從水坐聲

上禾切

灋

水也從水旗聲

以諸切

洧

過水中也從水旬聲

相倫切

過水也者集韻引作洧水經注陰溝水云過水受沙水於扶溝縣爾雅曰過爲洧呂忱曰洧過水也九域志金州洧陽縣有洧水

滄

水出北隰山入邛澤從水倉聲

始夜切


水出北隰山者廣韻引文字音義滄水出北隰山也入邛澤者徐鍇本作邛澤北山經北隰之山滄水出焉而東流注於邛澤穰案滄水亦云注邛澤

沂


水也從水刃聲


乃見切

水也者集韻引有出上黨三字 刃替者廣韻切式羊切音商水名韻謂當從升轉寫譌從刃音隨形變次


 水也從水直聲 恥力切

水也者集韻引同 又云一日出潁川


 水也從水妾聲 七接切

 水也從水居聲 九魚切

 水也從水泉聲 其莫切

 水也從水尢聲 羽求切

水也者廣韻沈水名在高密

 水也從水困聲 苦頓切

困聲者初印本作困音於真切宋本小字本李燾本並同集韻洩伊真切說文水名

灑

水也從水果聲

古火切

灑

水也從水貨聲讀若瑣

蘇果切

灑

水也從水龙聲

莫江切

水也者澆或作灑水在梁鄒縣水經注謂卽古之袁水

灑

水也從水乳聲

乃后切

灑

水也從水矣聲矣古文終

職戎切

水也者廣韻作沔云水名在襄陽

灑

淺水也從水百聲

匹白切

玉篇作灑

淺水也者當爲淺水兒本書猶甯嚴讀之若淺灑廣韻灑水淺兒顏氏家訓嘗游趙州見栢人城北有一小水土人

說文解字義登 卷三十四

三 連筠籜叢書

亦不知名後讀城西徐整碑云泊流東指眾皆不識吾按說文泊淺水兒兒古貌字也此水漢來無名矣直以淺貌目之或當卽以泊爲名乎

水也從水千聲

倉先切

水也從水叵聲

詩曰江有源者徐鍇本作
詩曰江有源廣韻引同

水也從水叵聲

詩曰江有源者徐鍇本作
詩曰江有源廣韻引同

水也從水叵聲

詩曰江有源者徐鍇本作
詩曰江有源廣韻引同

勃澥海之別名也者初印本作勃澥海之別也無名字宋本集韻類篇竝同別者猶江別爲沱本書郭郭海地梁張

騫詠躍魚詩何用游冥潮且躍天淵池漢書音義勃澥海別枝名也齊都賦注海旁曰勃澥水曰澥或作勃澥子華

子取邪之東渤澥稍天非一水之鍾也子虛賦浮渤澥五臣云勃澥海分支水名陳書徐陵傳嘗渤澥而俱深周書

武帝紀守贖陳者悟渤澥之沒澄漢書揚雄傳作勃澥又作勃海戰國策蘇秦說齊曰北有勃海齊都賦海旁出爲

勃勃海亦曰薄海薄卽勃聲之轉史記索隱曰崔浩云勃
勃跌也勃跌出者橫在齊北應劭曰海之橫出者曰勃史
記天官書中國山川東北流其維首在隴蜀尾沒於勃陽
漢書天文志作勃海陽石武帝紀元光三年河水徒從頓
邱東南流入勃海地理志勃南通齊趙勃陽之間顏注勃
勃海也又勃海郡顏注在勃海之濱因以爲名又稱勃海
列子殷湯篇箕畚運於勃海之尾初學記按東海之別有
渤海出說文故東海共稱渤海禹貢又北播爲九河同爲
逆河人于海傳云同合爲一大河名爲逆河而入於渤海
史記河渠書同爲逆河入於渤海溝瀆志同王粲爲荀楷
與孫權檄云昨令將帥戰士就渤海七八百里演習舟楫
魏志張郃從擊袁譚於渤海圖經渤海實滄州之地屬趙
分居多竅宇記幽州薊縣渤海屬郡界胡注通鑑楊
僕從齊浮渤海以討朝鮮云僕浮渤海益自青萊以北幽
平以南皆濱於海其海通謂之渤海非指渤海郡而言也
齊乘海岱惟青州謂東北跨海西南距倍踰小海也本名
渤海亦謂之渤海海別枝名也北自平州屬郡南至登州
沙門島是謂渤海之口闊五百里西入直沽幾千里焉又
稱少海韓非子齊景公與晏子游於少海登相寢之臺又
稱北海僖四年左傳楚子使於齊侯曰君處北海又謂之

碑海齊語渠強於有渚車注渠強碑海是也列子曰渤海之中有大壑名曰歸墟歸墟者尾閭也閭若瞀目按齊都賦云海湧出爲渤海今海自山東登州成山折而西徑寧海州福山蓬萊招遠縣又西徑萊州掖縣昌邑濰縣又西徑青州壽光樂安諸城縣其界折而西北徑濟南利津濰化海豐縣又北徑直隸河間鹽山滄州靜海縣東界又北至天津衛折而東徑順天寶坻豐潤縣又東徑永平灤州樂亭盧龍昌黎縣又東出山海關徑遼東寧遠廣寧衛南界折而南徑海蓋復金四衛西界又折而東徑金州南界有旅順口南與登州海口相對皆謂之渤海歷覽太史公書如河渠書同爲逆河入於渤海謂承平府之渤海也封禪書因曰陰主祠三山五日陽主祠之衆六月主祠之衆山皆在齊北並渤海謂登萊兩府之渤海也蘇秦列傳說齊宣王未嘗倍泰山絕清河涉渤海張守節正義曰渤海滄州也則指天津衛之海言朝鮮列傳遣樓船將軍楊僕從齊浮渤海至王險王險城名非海之在遼東面何皆渤海也柰何有臣瓚者徒知漢以渤海名郡遂狹視渤海謂禹貢河入海乃在碣石武帝元光三年河移徙東郡更注渤海禹時不注也若以太史公增禹貢原文一渤海爲誤不知非誤也正謂碣石遼之渤海也胡渭曰漢書臣瓚曰

禹貢夾右鴈石入于河則河入海乃在鴈石武帝元光三年河從東郡更注渤海禹時不注也今按武帝紀元光三年春河水徙從頓邱東南句流入渤海用此四字以足上句文勢非河先不入勃海至元光徙流而始入勃海也尋瓚之意蓋以禹貢九河同爲逆河自鴈石入於海故云禹時不注而不知漢人所謂勃海者其北一半卽逆河之故道也河豈能越勃海而至鴈石哉總之勃海甚廣占漢遼西有北平勃海千乘北海東萊六郡之境跨古冀兗青三州之界自禹時以迄唐宋河之所入皆勃海也清潔澗淄之所入亦勃海也一說澗卽澗谷也者本書解水衡官谷也玉篇澗亦作澗吳都賦說竹云梢雲無以喻澗谷弗能連李善注澗谷崑崙北谷也漢書律歷志黃帝使冷綸自大夏之西昆侖之陰取竹之解谷生其竅厚均者斷兩節閉而吹之以爲黃鐘之宮孟康曰解谷一說昆侖之北谷也

澗

北方流沙也一曰清也從水莫聲

慕各切

北方流沙也者李善注雪賦朔漠飛沙引本書同釋名北方沙漠平廣淮南時則訓雁北鄉高云勝至北漠中也易

林沙漠北塞純無水泉地理志張掖郡居延縣居延澤在東北古文以爲流沙胡渭曰沙漠自西而東且連北居延澤雖非禹貢之流沙亦卽此沙漠之地李陵歌經萬里兮度沙漠注云匈奴沙漠地剽飲宗廟議單于遠通漠北鹽鐵論處沙漠之中生不食之地盧誕贈崔溫詩北眺沙漠垂鮑昭舞鶴賦憐霜鴈之違漠五臣云謂鴈背沙漠以就溫也成公綏嘯賦又似鴻雁之將離羣鳴號乎沙漠又鴻鴈賦賓弱水之陰岸兮有沙漠之絕清魏書雍狂地無山有沙漠流水新唐書狄仁傑傳東距滄海西隔流沙北橫大漠南阻五嶺天所以限中外也通鑑柔然追殺勒至西漠注云西漠者大漠之西偏也又云自陰山以北皆大漠有白漠黑漠厄漠或作幕字漢書武帝紀衛青將六將軍絕幕顏注幕者今之突厥中曠耳應劭曰幕匈奴之南界臣瓚曰沙土曰幕程大昌北邊備對幕者漠也言沙漠廣莫望之漠漠然也一日清也者釋言文煗光曰漠然清見李善注屬志詩引本書作寂也又引作無爲也楚詞遠游漠虛靜以恬愉兮又云野率漠其無人鵬鳥賦真人恬漠兮五臣云至真之人其性靜漠或借莫字昭二十八年左傳引詩莫其德音說云德正應和曰莫杜注莫然清靜



天池也以納百川者從水每聲

呼改切

廣雅海晦也釋名海晦也主承破濁其水黑如晦也尚書考靈曜海之言晦昏無所睹也五經異義古尚書說六

宗云海為澤宗易林海為水宗聰明且聖

天池也者初學記海一云天池莊子逍遙遊南溟者天池也又云窮髮之北有溟海者天池也史記日者傳地不滿東南以海為池晉書天文志九坎闕十星曰天池一日天海以納百川者者玉篇海大也受百川萬谷流入禹貢江漢朝宗于海傳云百川以海為宗老子滄海所以能為百谷王者以其下之月令章句受眾流注曰海鄉飲酒義洗之在作其水在洗東祖天地之左海也注云海水之委也淮南汜論訓百川異源皆歸於海易林水流趨下遂成東海吳都賦百川派別歸海而會傳元詩百川皆赴海又釋法篇浩浩大海百川歸之



大也從水專聲

滂古切

大也者詩北山溥天之下傳云溥大又車攻東有甫草韓作圖薛君云圃博也有博大之茂草也中庸溥溥淵泉

說文解字義證

卷三十四

圭

通多箱書圭
靈石揚氏棊

𣶒

水大至也從水聞聲

乙威切

水大至也者徐鍇韻譜
玉篇廣韻竝作大水至

𣶒

泔水也從水其聲

戶工切

泔水也者本書州下云昔堯遭洪水民居水中高土書堯
典湯湯洪水方割傳云洪大孟子泔水者洪水也趙注洪
大也又云昔者禹抑洪水而
天下平史記河渠書作鴻水

𣶒

水不遵道一曰下也從水各聲

戶工切又
下江切

水不遵道者廣韻泔水流不遵道水經注河水云不遵其
道曰降書堯典湯湯洪水方割蕩蕩懷山襄陵浩浩滔天
傳云言水奔突有所滌除包山上陵盛大若浸天孟子水
逆行謂之泔水又云書曰泔水警余趙注水逆行泔河無
涯故曰泔水又云洪水橫流氾濫於天下一曰下也者
本書降下也大禹謨降水儆子傳云水性流下故曰下水

𣶒

水朝宗于海也從水從行

以淺切

水朝宗于海也者徐鍇本作水朝宗于海兒也廣雅行達也梁書高祖諱衍字叔達易齋于沙衍在中也虞云衍流也從水從行者字統

水朝宗于海故從水行

水朝宗于海從水朝聲

直遙切

水朝宗于海者漳朝聲相近御覽引作朝也禹貢江漢朝宗于海鄭注江漢合爲一共赴海猶諸侯之同心尊天子而朝事之周禮大宗伯以賓禮親邦國春見曰朝夏見曰宗鄭注朝猶朝也欲其來之早也宗尊也欲其尊王也馮案言水赴海亦如諸侯之見天子也詩西彼流水朝宗于海箋云水流而入海小就大也尚書大傳大水小水東流歸海也荀子宥坐篇孔子觀於東流之水曰夫水其萬折也必東李尤盟津銘洋洋河水朝宗於海徐幹齊都賦川濤則洪河洋洋發源崑崙九流分逝北朝滄淵

水脈行地中

潢潢然從水黃聲

弋刃切

水脈行地中潢潢然者初印木然作也字本書至水脈也從川在下一地也廣韻潢引水也江賦潛潢之所汨涵

或通作演周語夫水土演而民用也韋注水土氣通為演
演猶潤也演則生物民得用也說苑夫水土演而民用足
也土無所演民乏財用蜀都賦
演以潛沫劉注水潛行曰演



水漫漫大兒從水冫聲

土刀切

水漫漫大兒者徐鍇本作水漫天兒韻譜滔水漫天韻案
堯典浩浩滔滔天傳云浩浩盛大若漫天詩四月滔滔江漢
傳云滔滔大水貌漢書石奮傳
開者河水滔陸晉灼曰滔漫也



小流也從水冫聲爾雅曰汝為涓

古玄切

小流也者一切經音義十二引字林水小流涓涓然也六
韋涓涓不塞將為江河荀子法行篇涓涓源水不塞不塞
後漢書丁鴻傳夫壞崖敗巖之水源自涓涓陶潛歸去來
辭泉涓涓而始流潘岳射雉賦泉涓涓而吐瀉爾雅曰
汝為涓者釋水汝為瀆又云汝有瀆馥
案為瀆之瀆因有瀆而誤也當作涓



豐流也從水昆聲

胡木切

豐流也者廣雅混混流也孟子源泉混混漢書司馬相如傳汨乎混流顏注混流豐流也郭璞水泉韻殊出同歸混混東會集韻混與滾同杜甫詩不盡長江滾滾來

漾

水漾濬也從水象聲讀若蕩

徒朗切

水漾濬也者李善注西京賦引字林同廣韻漾水大之貌濬混濬水貌王篇濬濬濬濬無涯際也集韻濬濬漾水貌廣雅濬濬濬濬流也淮南覽冥訓濬水不泄濬濬極望漢明帝詔濬濬濬濬莫測圻岸吳志薛綜傳加又洪流混濬有成山之難吳都賦頌溶流濬濬海賦沖融沆濬修張良廟教濬流濬濬詩維水泱泱傳云泱泱深廣貌韻謂泱卽濬讀若蕩者玉篇濬今作蕩廣雅濬濬濬濬也書堯典蕩蕩懷山襄陵

滂

順流也一曰水名從水勢聲

侯雷切

滂

水相入也從水從內內亦聲

而鏡切

水相入也者水經注引字林同玉篇廣韻並引作水相入見史記五帝本紀正義引作水滂曰滂五音集韻滂小水

入大水也郭注方言淮納云納水口也書堯典蓋降二女于媯水北曰納水尚書所謂釐降二女于媯水也孔安國曰居媯水之內皇甫謐曰納二女于媯水之納馬季長曰水所出曰納然則納似非水名而今見有二水異源同歸渾流西注入於河諼謂異源同歸卽水相入也引馬注水所出當作水所入禹貢雍州涇屬渭納馬注屬入也水所入曰納又至于龍門西河會于渭納閻若璩曰禹貢渭納與洛納之納同一解蓋河之南洛之北其兩閻爲納也在今鞏縣河自北來渭自東注實交會於今華陰縣故曰渭納納字解有作水北者有作水之隈曲者有作水曲流者有作水中州者總不若說文納水相入也於此處爲確解左氏一書莊四年曰漢納閻二年曰渭納宣八年曰滑納昭元年曰雒納四年曰夏納五年曰羅納二十四年曰滑納昭之納二十七年曰沙納定四年曰淮納哀十五年曰桐納水名下繫以納者眾矣又何疑於禹貢哉詩谷風涇以渭濁混混其泄傳云涇渭相入而清濁異昭四年左傳楚沈尹射奔命於夏納杜云夏納漢水曲入江今夏口也昭二十七年傳令尹子常以舟師及沙納而還水經注渠水云沙水東流注於淮謂之沙納又注河水云洛水于鞏縣東

遲洛納北對琅邪渚入於河謂之洛口矣顧案昭元年左傳館於雒納卽此是也又水經注渭水云左傳閔公二年虢公敗犬戎於渭隊服虔曰隊謂納也王肅云納入也內亦督者當爲內聲書禹貢渭納正義引鄭云納之言內也堯典媯納釋文納水之內也莊四年左傳漢納仕注納內也閔二年傳渭納正義納字以內爲聲明是水之隈曲之內也

肅

深清也從水肅聲

子叔切

深清也者李善注思元賦引字林同玉篇肅水深清也廣雅肅清也

演

長流也一曰水名從水寅聲

以淺切

長流也者廣韻演水長流稅釋名演延也言蔓延而廣也海賦東演析木一曰水名者集韻演音引水名

漭

流散也從水奘聲

呼貫切

流散也者易風行水上渙正義渙者散釋之象詩訪落繼猶判渙傳云渙散也老子渙兮若冰之將釋郭璞水泉讚

川瀆綺錯

澳瀾流帶

𣶒

狹流也從水必聲

兵媚切

狹流也者李善注魏都賦引作水駛流也廣韻泌水狹流釋言狹徹也江賦長波浹灑注云浹灑水湧漉也詩衡門泌之洋洋正義云泌者泉水涓流不已乃至廣大也或借泌字廣雅泌流也詩邶風泌彼泉水木書晚下引詩作泌魏都賦泉泌湧而自涖李善云泌與泌同

𣶒

水流聲從水昏聲

古活切

水流聲者詩頤人北流活活傳云活活流也長笛賦涓涓活活

𣶒

涔或從睪

涔

水流涔涔也從水皆聲一曰涔涔寒也詩曰風雨涔

涔

古諧切

水流湑湑也者詩鼓鐘淮水湑湑詩曰風雨湑湑者鄭風風雨文彼作淒淒廣韻湑風雨不止淒俗作淒玉篇淒寒也鄭風淒其以風嚴氏詩指謂淒從久故寒臆說也

𣶒

湑流也從水玄聲上黨有泣氏縣胡昧切

湑流也者徐鍇本作泣湑流水後漢書張衡傳水泣云而涌濤注云泣云竝水流貌上黨有泣氏縣者見地理志

寰宇記澤州高平縣本漢泣氏縣屬上黨郡

𣶒

水流兒從水彪省聲詩曰滌池北流皮彪切

水流兒者流經典作流廣雅滌流也詩曰滌池北流者小雅白華文傳云滌流貌初印木作流沱

𣶒

疾流也從水或聲于逼切

疾流也者本書或水流也六書故引作水流疾或感也淮南本經訓滴游瀨減高注皆文畫擬象水勢之兒南都賦

漉漉減漉漉

灑

流清兒從水劉聲詩曰瀏其清矣

力久切

流清兒者廣韻瀏水清詩曰瀏其清矣者鄭風溱洧文傳云瀏深貌馥案言深清也

濺

濺流也從水巖聲詩曰施罟濺濺

呼活切

濺流也者韓詩濺濺流貌廣雅波濺流也馥謂波即濺詩泮水鑿磬噦噦本書引作鉞鉞詩曰施罟濺濺者衛風願人文彼作施罟濺濺馥謂此引詩後人加之本書濺讀若詩施罟濺濺本書無濺字當作詩曰施罟濺濺後人加讀若二字釋文引馬融說云濺大魚網曰大濺也與本書濺空太也義合是詩作濺濺不作濺濺明矣

滂

沛也從水旁聲

普郎切

沛也者玉篇彭字云澎滂滂沛也廣雅滂滂沛沛流也楚辭九歎波逢洄滂滂滂沛今吳都賦包湯谷之滂沛

汪

深廣也從水圭聲一曰汪沱也

烏光切

深廣也者玉篇汪水深廣也廣韻亦有水字後漢書黃憲傳汪汪若千頃陂淮南佩真訓汪然平靜一曰汪沱也

者一切經音義四通俗文亭水曰汪池之泥濁者也小爾雅廣器汪池也方言楚謂之汪桓十四年左傳尸諸周氏之汪杜注汪池也僖三十三年傳瑕覆于周氏之汪杜注車傾覆池水中

𣶒

清深也從水𣶒聲

洛蕭切

清深也者玉篇𣶒浩𣶒清水廣雅𣶒清也莊子天地篇𣶒乎其清也徐鍇本有讀若牢三字

𣶒

清也從水此聲

干禮切

清也者謝朓始出尚書省詩寒流自清泚李善引本書同廣韻泚水清也

𣶒

寒水也從水兄聲

許訪切

寒水也者佩觿作况云寒水

𣶒

涌搖也從水中聲讀若動

直弓切

或作泚海賦泚融沆漚

說文解字義證

卷三十四

三

連筠移叢書

浮兒從水凡聲 孚兒切

浮兒者詩二子乘舟汎汎其景傳云如乘舟而無所薄汎汎然迅疾而不礙也史記司馬相如傳翠浮乎其上浮汎汎濫隨風澹淡索隱曰郭璞云皆鳥任風波自縱漂兒廣雅汎汎汎汎浮也詩溱與洧方渙渙兮釋文渙說文作汎汎音父弓反馥案陸氏所見本當有引詩之文父弓反者如風鳳凡皆從凡得聲廣韻汎房戎切集韻符風切

轉流也從水云聲讀若混 王分切

轉流也者釋言汎汎也釋文引說文云汎轉流也一曰汎馥案今闕下三字柳宗元懲咎賦沂湘流之汎汎讀若混者集韻混淪流水轉兒

澆也從水告聲虞書曰洪水浩浩 胡老切

澆也者類篇引作饒也禮記王制用有餘曰浩 虞書曰洪水浩浩者堯典湯湯洪水方割蕩蕩懷山襄陵浩浩滔滔天

沆

莽沆大水也從水亢聲一曰大澤兒

胡朗切

莽沆大水也者玉篇沆沆廣兒一切經音義七引通俗文水廣大謂之沆沆也釋言沆沆也郭注水流沆沆水經注引風俗通沆沆也言乎淫淫沆沆無涯際也高唐賦涉濬沆南都賦沆沆洋洋西京賦滄池沆沆薛注沆沆猶沆沆亦寬大也江賦沆沆滄滄品濞海賦沖澱沆沆羽獵賦鴻濛沆沆魯都賦又有鹽池沆沆一曰大澤兒者博物志停水東方曰都一名沆積

述征記齊人謂湖爲沆

沆

水從孔穴疾出也從水從穴亦聲

呼穴切

水從孔穴疾出也者釋水流泉穴出酸按滴水一名沆水以其湧出也穴亦聲者當爲穴聲

漚

水暴至聲從水鼻聲

匹倫切

水暴至聲者吳都賦漚焉洶洶五臣注漚水暴至聲也上林賦漚漚沆漚史記司馬相如傳漚漚沆漚索隱曰司馬彪云漚漚水聲長

笛賦汨活彭漚

說文解字義證

卷三十四

三

連筠移叢書

水

水小聲從水奮聲

士角切

水小聲者史記司馬相如傳澗澗實陸索隱引本書澗水之小聲也高唐賦巨戶濁濁之澗澗兮

水

水疾聲從水翕聲

許及切

水疾聲者韻會引徐鍇本水流疾聲也集韻澗或作澗上林賦汨澗漂疾

水

水超涌也從水朕聲

徒登切

水超涌也者本書涌騰也玉篇詩曰百川沸騰水上涌也或通作騰史記司馬相如傳橫流逆折轉騰激洌後漢書荀彧傳山東騰沸吳都賦濱薄沸騰五臣注波浪湧起爲沸騰也

水

涌出也一曰水中坻人所爲爲涌一曰涌水名在京

兆杜陵從水喬聲

古穴切

涌出也者本書喬滿有所出也廣韻涌泉出兒李巡注爾雅云水泉從下上出曰涌泉漢書音義涌水聲而非水也

馥案水聲涌出之聲 一曰水中坻人所為為涌者釋水

小注曰坻人所為為涌郭云人力所作都覽引舍人云人

力於水中為居止釋文云按郭圖水中自然可居者為洲

人亦於水中作洲而小不可止住者名為洲水也釋

名人力所為之曰滿滿術也堰使水鬱衝也魚梁水離之

謂也 一曰滿水名在京兆杜陵者地理志右扶風郿縣

鄂水出東南又有滿水皆北過上林苑入渭三輔黃圖滿

水在杜陵從皇子陂西北流經昆明池入渭水經注渭水

云汝水上承皇子陂于樊川其地即村之樊鄉也西北流

逕杜縣之杜原西又北逕長安城西與昆明池水合又北

流注渭亦謂是水為滿水也故呂忱曰滿水出杜陵縣史

記司馬相如傳鄠部潦滿索隱曰姚氏去滿水出杜陵今

名汝水自南山皇子陂西北流注昆明池人謂顏注漢書

云地理志鄠縣有滿水北過上林苑人謂而今之鄠縣則

無此水許慎云滿水在京兆杜陵此即今所謂沈水從皇

子陂西北流經昆明池人謂者也蓋為字或作水勿穴與

沈字相似俗人因名沈水乎將鄠縣滿水今則改名人不

識也窳字記雍州萬年縣沈水說文云滿水出杜陵今名

也東自萬年縣界流入亦謂滿水亦謂高都水漢末王氏

五侯大修池沼引高都水入城卽此水

澹

水涌光也從水從光光亦聲詩曰有洗有瀆

古黃切

水涌光也者徐錯韻譜洗水湧玉篇洗水兒集韻洗與澹同水深廣貌江賦濶澗網洑從光光亦聲者當云光聲

詩曰有洗有瀆者邶風谷風文傳云洗洗武也此木爾雅非本書義

澗

水涌流也從水皮聲

博禾切

水涌流也者釋水大波爲澗小波爲淪直波爲徑

澗

江水大波謂之澗從水雲聲

王分切

江也大波謂之澗者通作澗杜甫詩云澗逆素浪

澗

大波爲澗從水闌聲

洛干切

大波爲澗者釋水文郭注言澗澗釋文作澗孟子觀水有衝必觀其澗注云澗水中大波也海賦澗澗澗澗

漣 瀾或從漣

釋水河水清且瀾 瀾釋文云李依詩作漣 釋名風吹水波成文曰瀾 瀾漣也 波體泛流相連及也 詩漸漸之 卮箋云與漣 涉入水之波漣 釋文漣一木作瀾

瀾

小波爲瀾 從水侖聲 詩曰河水清且瀾 漪 一曰沒也

力迪切

小波爲瀾者 釋水文郭注言 漣瀾 漣君韓詩章句從流而 風曰瀾 釋名水小波曰瀾 瀾倫也 小文相次有倫理也 長 笛賦波瀾鱗瀾 詩曰河水清且瀾 漪者 魏風伐檀文 漪 彼作漪 傳云小風水成文轉如輪也 馥謂瀾當爲漪 語詞 也 上文漣漪直漪皆釋漣直而不釋漪是也 莊子大宗師 而已反其真而我猶爲人 猶一曰沒也 者廣雅同書 徹 子今殷其瀾 喪水經 注 碣石瀾沒於洪波

瀾

浮也 從水與聲

匹消切 又 匹妙切

浮也者洞蕭賦漂乍奔而為他李善引木書同廣雅
浮漂也孫子兵勢篇激水之疾至於漂石者勢也

浮 汜也從水孚聲

縛車切

汜也者玉篇水上曰浮禹貢浮于濟澤傳云順流曰浮詩
小雅載沈載浮論語乘桴浮于海穆天子傳天子浮於榮

水越語范蠡遂輕舟而浮於
五湖淮南說山訓百人抗浮

汜 汜也從水監聲一曰濡上及下也詩曰畢沸濫泉一

曰清也

盧儼切

汜也者後漢書班固傳注引作泛也宋祁校漢書敘傳引
字林濫汜濫也家語三恕篇夫江始出於岷山其源可以
濫觴管子地圓篇濫車之水注云其水深渺能汜車楚詞
九辨何汜濫之浮雲兮 一曰濡上及下也者集韻引作
濡土濡漬也魯語宣公夏濫於泅淵注云濫漬也 詩曰
畢沸濫泉者小雅采芣芣沸濫泉宋本作芣木書沸下又引詩
正出也初印本作芣沸濫泉宋本作芣木書沸下又引詩
畢沸濫泉大雅瞻卬芣沸濫泉箋云濫泉正出涌出也芣

沸出貌涌泉之源所由者深釋水溢泉正出正出涌出也
釋名水正出曰溢泉溢衝也如人口有所衝口問則見也
漢書敘傳懷沈溢而測深乎重淵應劭曰側出曰沈泉正
出曰溢泉 一曰清也者郭泰別傳奉高之器譬諸沈溢
雖清而
易挹

灇

灇也從水已聲

乎梵切

灇也者楚詞卜居將汜汜若水中之
兒乎漢書賈誼傳汜乎若不繫之舟

洑

下深兒從水弘聲

烏宏切

下深兒者一切經音義十七引作下深大也吳都賦泓澄
奮溱李善引木書亦作下深大也廣雅泓泓深也江賦極
泓量而
海運

淠

回也從水韋聲

羽非切

回也者本書淵回水也旋回泉也徐鍇木一曰水名廣韻
淠水名漢書溝洫志關中靈輒成阿淠渠注云水出韋谷

元和志武德三年分岐山縣置圍川縣取淯川水爲名近代訛作圍

測

深所至也從水則聲

初側切

深所至也者玉篇廣深曰測釋言潛深測也郭注測亦水深之別名淮南說林訓以篙測江篙終而以水爲測惑矣班固荅賓戲懷沈溢而測深乎重淵

疾

疾瀨也從水箭聲

他箭切

疾瀨也者許注淮南云湍水疾也廣韻湍急瀨也廣雅湍瀨也御覽湍下引益陽縣開羽瀨永嘉郡百簿瀨桂陽矣陽兩瀨華嚴經音義湍疾瀨也淺水流於砂上曰湍一切經音義四水流沙上曰瀨瀨淺水也楚詞九章長瀨湍流沂江潭兮王注湍亦瀨也漢書溝洫志水湍悍顏注急流曰湍吳都賦混濤并瀨劉逵注瀨急湍也劉德明南康記積水奔流二百餘里橫波嶮瀨二十四處

宗

水聲也從水宗聲

藏宗切

水聲也者沈約詩百丈注
懸淙韓愈詩東流水淙淙



水礙衰疾波也從水敫聲一曰半遮也

古歷切

水礙衰疾波也者一切經音義十一引作水文礙邪疾急
日激也又十四引莊子汙者激司馬彪曰流急曰激孟子
激而行之可使在山一曰半遮也者或通作激字書激
也史記司馬相如傳激卻受詘索隱曰司馬彪云激遮



疾流也從水同聲

徒弄切

疾流也者木書駟馳馬洞去也西都賦潰渭洞河李
注引本書同韻案水經有洞過水亦謂其流疾也



大波也從水旛聲

孚袁切

大波也者元結引東泉詩
此流又高懸濤濤在長空



涌也從水冏聲

許拱切

說文釋字彙登

卷三十一

三

連筠移叢書

涌也者上林賦涌涌澎湃吳都賦湧湧湧湧高唐賦湧湧
洶洶其無聲兮李善云說文曰洶洶涌也謂冰波聲兒

涌

滕也從水甬聲一曰涌水在楚國

余隴切

滕也者釋名水上出曰涌泉釋水滙泉正出正出涌出也
李巡云水泉從下上出曰涌泉詩瞻仰濟沸滙泉箋云滙
泉正出涌出也昭五年公羊傳滙泉者何直泉也直泉者
何涌泉也呂氏春秋本味篇高原之山其上有涌泉焉論
衡狀雷篇泉暴出者曰涌七發波涌而濤起或借騰字詩
十月之交百川沸騰後漢馮衍傳風騰波涌一曰涌水
在楚國者方言沅涌混幽之語注云涌水今在南部華容
縣也莊十八年左傳閼敖游涌而逸杜云涌水在南部華
容縣水經江水云又東南當華容縣南涌水入焉鄒注水
自夏水南通於江謂之涌口二水之間春秋所謂閼敖游
涌而逸者也盛引之荆州記江津東十餘里中有夏洲又
二十餘里有涌口所謂閼敖游涌而逸寰宇記荆州江陵
縣東南五十里有涌水
源東行百餘里會於江

涌

拾遺灋也從水拾聲

丑入切

澗涓瀾也者本書涓沸涌兒涓或作瀾玉篇上林賦云澗
灑鼎沸鼎沸謂水微轉細涌也顏注言水之流如鑿鼎沸
也周成雜字涓瀾水沸
之貌也海賦湧渾瀾瀾

涓

涓流也從水空聲

哭工切又苦江切

澗

澗水聲也從水勻聲井一有水一無水謂之澗

澗

切

澗水聲也者釋名井一有水一無水曰澗澗澗也澗有
水聲澗澗也井一有水一無水謂之澗澗者釋水文中
山經視山有井焉名曰天井夏有水冬竭又超山其陽有
井冬有水而夏竭玄中記貴州有澗澗一日百盈百竭應
澗

澗

井一有水一無水謂之澗澗從水尉聲

居例切

澗

混流聲也從水軍聲一曰澗下兒

戶昆切

澗

說文解字義詁 卷三十四

美

美字多與靈通
靈加楊氏聚

混流聲也者渾混聲相近史記司馬相如傳混乎渾流文
選作混流七命溟海渾濩涌其後李善引本書渾流聲也
玉篇渾水漬涌之聲也 一日於下
兒者謂渾濁也老子渾兮其若濁

灑

水清也從水削聲易曰井洌寒泉會

臣辭切

水清也者李善注長笛賦引作清也廣雅洌清也 易曰
井洌寒泉會者井卦文本書初刻無會字後乃補入御覽
玉篇風俗通引

易並無會字

灑

清湛也從水叔聲

殊六切

清湛也者廣雅淑清也

澗

水盛也從水容聲

余隄切 又音谷

水盛也者甘泉賦浴方皇于西清李注浴盛貌

澗

清也從水徵省聲

直陵切

清也者廣雅方言同後漢書張衡傳激澗沁而爲清注云
激清也又儒林傳贊淵源誰激俗作澄易損卦君子以懲
忿窒欲釋文鄭云猶清也蜀才作澄賈誼書澄五湖而定
東海吳志孫靜傳頃連雨水濁兵飲之多腹痛令促具饗
缶數百口澄水通鑑成都乏
水取摩訶池泥汁澄而飲

情

脈也激水之兒從水青聲

七情切

脈也者釋名清青也去濁遠穢色如青也文子清之爲明
杯水見眸子濁之言闇河水不見泰山詩大明會朝清明
正義晚則虛昏且則清故謂朝且爲清明古詩曰清晨登
隴首是清亦古今之通語也 激水之兒者玉篇清澄也
考工記幌氏漉帛清其灰而蓋之
注云清澄也於灰澄而出蓋晡之

澁

水清底見也從水是聲詩曰澁澁其止

常職切

水清底見也者詩釋文引作水清見底徐錯韻譜澁水見
底玉篇澁水清也廣雅澁清也 詩曰澁澁其止者鄆風
谷風文彼作沚箋云澁
澁持正貌非本書義

澗 水流澗澗兒從水閔聲

音見切

水流澗澗兒者澗澗聲相近
廣韻澗與澗同水流平兒

澗 下澗也從水參聲

所禁切

下澗也者徐鍇本澗水下兒繫傳云水下所謂滲澗一切
經音義四滲盡也下漏曰滲廣雅澗滲也方言澗極也注
云滲澗極盡也淮南主術澗不澗澤而漁高注澗澤澗池
也史記司馬相如傳滋液滲澗通鑑到彥之自淮入泗水
澗或作盞考工記幌氏清其灰而盞之

澗 不流濁也從水圍聲

羽非切

不流濁也者廣韻
澗水不流濁兒

澗 亂也一曰水濁兒從水困聲

胡困切

亂也者字林同玉篇楚辭云世澗濁而不分兮澗亂也易
墜監注不澗乃明釋文澗澗也亂也秦策書策稠濁高云

濁亂也通作渾漢書劉向傳賢人自渾濁一曰水濁兒者老子渾兮其若濁風賦散湘鬱邑李注散湘類濁之貌

渾

濁也從水渾聲一曰河泥一曰水出兒

古忽切

濁也者法言吾子篇書惡淫辭之濁法度也注云濁濁也

一曰河泥者本書河多汁也廣韻濁泥廣雅河渚也

楚辭漁父何不濁其泥而揚其波一曰水出兒者史記

樗里子傳滑稽多智正義云滑稽爲濁水流自出言其智

計宜吐如泉

流出無盡

回

回泉也從水旋省聲

似沿切

回泉也者一切經音義十八引作河淵也廣韻旋河旋釋

水過辨回川郭注旋流李善注江賦引淮南子注九旋之

淵至深荀子臣道篇水深則回注云回旋流也水深不湍

峻則多旋流也華嚴經音義三蒼腹深也謂河海中回旋

之處

是也

淵

深也從水崔聲詩曰有淵者淵

七罪切

說文解字義詁 卷三十四

美

靈石楊氏

詩曰有渰者淵者小雅
小弁文傳云惟深也

淵

回水也從水淵象形左右岸也中象水兒

烏玄切

回水也者木書叟從又在回下回古文回淵水也華嚴
經音義水洞曰淵禹貢東匯澤為彭蠡注匯回也漢與
江關轉東成其澤矣考工記匠人欲為淵則句於矩注云
大曲則流轉流轉則其下成淵魯語宣公夏濫於淵淵管
子度地篇出地而不流者命曰淵水列子黃帝篇鯢涸之
潘為淵止水之潘為淵流水之潘為淵濫水之潘為淵沃
水之潘為淵洑水之潘為淵雍水之潘為淵汙水之潘為
淵肥水之潘為淵殷敬順釋文潘本作蟠蟠涸流也張協
雜詩回淵可比心陸機漢高帝功臣頌大畧淵回史記仲
尼弟子列傳顏回字子淵急就篇褚回池顏注回池猶顏
回字子淵之義也南齊書褚淵
字彥回陶氏家傳陶回字公淵

淵

淵或省水

或省水者後人亂之九經字樣淵古文淵本書肅從丰在
淵上前云從水淵此云或省水先有淵字正文而後有省

體豈淵之從則正文反從省體邪斯不然矣前象形云云卽解此字川左右岸也中象水兒也

古文從口水

古文從口水者當作(一)
水舊刻李燾本篆作(二)

滿也從水爾聲

奴禮切

滿也者玉篇作滿深也盛也詩新臺河水瀰瀰傳云瀰瀰盛貌釋文云說文云水滿也馥案俗言美滿蓋瀰瀰也

水搖也從水詹聲

徒濫切

水搖也者李善注高唐賦琴賦引同又注東京賦引作水搖貌也玉篇灑水動兒史記天官書水灑澤竭漢書司馬相如傳汎汎灑灑隨風灑灑與波搖蕩奄溥水階又難蜀父老文灑灑灑灑蘇林曰言分其灑灑搖動之災也七發瀰流灑灑又灑灑之李善注灑灑搖蕩之貌也東都賦西灑灑源東灑灑海灑灑武帝樂府水何灑灑

深也從水尋聲

徐林切

旁深也者江淹雜體詩秋榮冒水渚李善引木書渚旁深也又注江賦引許注淮南云渚水涯也又注七發引字林渚水涯也廣韻旁深水涯二義兼收

平

谷也從水平聲

竹律切

水兒

從水出聲讀若窟

竹律切又口兀切

水兒者玉篇出水出兒廣韻同倉韻篇出水通兒文子通原篇原流油油沖而不盈讀若窟者廣韻油苦骨切漚池

水

水至也從水薦聲讀若尊

又托甸切

水至也者徐鍇本作水至兒易坎卦水洊至唐石經作洊讀若尊者集韻洊徂昆切

土

土得水沮也從水勗聲讀若藟

竹隻切

上得水沮也者集韻澍水土和也月令地氣沮泄是謂發天地之房

𣶒

盈溢也從水滿聲

莫旱切

盈溢也者木書盈滿器也溢器滿也廣韻滿盈也廣雅滿充也書大禹謨不自滿假傳云滿謂盈實

滑

利也從水骨聲

戶八切

利也者周禮倉醫調以滑甘疏云滑者通利往來考工記軸有三理三者以爲利也注云利滑密也內則滑濇以滑

之注云齊人謂滑曰濇

涇

不滑也從水齋聲

色立切

不滑也者木書涇不滑也一切經音義七涇古文涇今作澀不滑也東方朔別傳新雨生枝滑枯枝澀故鵲立枯枝

上後漢書周磐傳壽神養和不以榮利滑其生術

澤

光潤也從水睪聲

丈伯切

光潤也者廣韻潤潤澤也徐錯繫傳引山海經潤澤而有光釋名下而有水曰澤言潤澤也易潤之以風雨虞云潤

罕

通室籍書

澤也書畢命澤潤生民考工記弓人瘠牛之角無澤注云少潤氣少儀澤劔首注云金器弄之易以汗澤正義云澤謂光澤玩弄劔首則生光澤聘義溫潤而澤襄二十八年左傳獻車於季武子美澤可以鑑倍三十一公羊傳河海潤于千里注云潤澤及于千里定元年穀梁傳毛澤未盡注云言秋百穀之潤澤未盡也孟子若夫潤澤之又君子之澤趙注澤者滋潤之澤文子水之道也上天則為雨露下地則為潤澤子華子水函太一之中精故能潤澤百物而行乎地中說苑潤澤草木崔瓊七依加以脂粉潤以滋澤春秋經傳集解序若江海之浸膏澤之潤姚規注易云澤則流潤意林引鬼谷子天生草木以雨潤澤之蔡邕女訓澤髮則思其心之潤也博物志酒泉延壽縣有山出泉著器中如凝膏然極明謂為石澤學師宋思等題名山出澤字君潤三國典畧王潤字子澤會稽先賢傳關澤字德潤

淫 浸淫隨理也從水至聲一曰久雨為淫

余箴切

浸淫隨理也者徐錯曰隨其脈理而浸漬也釋名淫浸也浸淫旁入之言也廣韻浸淫也列子因復指河曲之淫

限書無逸則其無淫于觀于逸于遊于田鄭注淫者侵淫
不止周禮小宰去其淫怠注云淫放濫也考工記匠人爲
溝洫善防者水淫之注云淫讀爲淫液之淫嵬氏凍帛淫
之以蜃曲禮毋淫視正義謂流移也樂記聲淫及商又云
咏歎之淫泆之莊二十二左傳君子曰酒以成禮不繼
以淫義也以君成禮弗納於淫仁也襄二十八年傳成杜
星紀而淫於元枵昭元年傳淫生六疾陰淫寒疾陽淫熱
疾風淫末疾雨淫腹疾晦淫惑疾明淫心疾詩賓之初筵
序云沈湎淫液韓子神不淫放則身全史記孝武本紀侵
尋於泰山矣索隱侵尋卽浸淫也小顏云浸淫漸染之義
盜尋淫聲相近假借用巨漢書司馬相如傳浸淫淫促節上
林賦封疆畫界者非爲守禦所以禁淫也郭璞曰欲以杜
絕淫放耳長門賦神悅悅而外淫論衡自紀篇淫讀古文
論語浸潤之諧鄭注諧人之言如水之浸潤漸以成之離
騷謠詠謂余以善淫陳啟源曰古之言淫者多矣於星言
淫於雨言淫於水言淫於荆言淫於遊觀田獵言淫皆言
過其常度耳樂之五音十二律長短高下皆有節焉鄭聲
靡曼幼渺無中正和平之致使聞之者導欲增悲沈溺而
忘反故曰淫也一日久雨爲淫者月令淫雨沍降注云
淫霖也兩三日以上爲霖莊十一年左傳天作淫雨害於

秦盛字或作霍淮南
修務訓禹沐浴淫雨

灑

灑也從水截聲爾雅曰泉一見一否為灑

子廉切

灑也者字林廣雅並同通俗文灑謂之灑淪曲禮四足曰灑注云灑謂相灑汙而灰春秋莊十七年齊人灑于遂公羊云灑者何灑積也釋文云積本又作灑樊毅復華下民租田口算狀仍雨甘雪灑潤宿麥或借灑字考工記注灑漸也詩既漸車唯裳史記貨殖傳漸灑於失教漢書郊祀志漸臺高二十餘丈顏注漸浸也三輔黃圖灑臺在太液池中灑浸也言為池水所浸也董仲舒傳漸民以仁是錯傳丈五之溝漸車之水顏注漸讀曰灑謂浸也爾雅曰泉一見一否為灑者釋水文郭注灑纔有貌廣韻灑泉水出微兒

灑

水所蕩洗也從水失聲

夷質切

水所蕩洗也者蕩當為濼釋名水洗出所為澤曰掌水停處如手掌中也今兗州人謂澤曰掌也禹貢溢為梁鄭本溢作

灑

𣶒 漏也從水巽聲

胡對切

漏也者徐鉉本有亦決也三字字林潰旁決也漢書文帝紀大水潰出顏注旁決曰潰後漢書班固傳潰渭河注引蒼頡篇曰潰旁決也文三年左傳沈潰凡民逃其上曰潰杜云潰眾散流移若積水之潰自壞之象也

水不利也從水彡聲五行傳曰若其沚作

郢計切

水不利也者五音集韻引作水不和也莊子陰陽之氣有沚釋道安諫苻堅曰東南卑濕沚氣易構五行傳曰若其沚作若漢書孔光傳引洪範五行傳六沚之作顏注沚惡氣也音戾谷永傳傳曰六沚作見若不共御六罰既浸六極其下顏注此洪範之傳也沚災氣也五行志雖金沚木服虔曰沚害也如淳曰沚音戾之戾義亦同尚書大傳維金沚木注云沚殄也凡六氣相傷謂之沚王觀國曰沚者相違之義也五行之性相違而不相爲用則災禍由之以生古之論五行者有六沚謂金沚木也木沚金也水沚火也火沚水也金木水火土沚天也六沚之作皆緣五事之不修故五行爲之相違而沚焉

淺

不深也從水戔聲

七衍切

不深也者詩窈有苦葉深則厲淺則揭

清

水暫益且止未減也從水寺聲

直里切

水暫益且止未減也者益當爲溢謂水少少溢出卽止未減損也

涓

少減也一曰水門又水出邱前謂之涓邱從水省聲

息并切

少減也者木書娒減也釋名省齋也約少之言也鄉飲酒義拜至獻酬辭讓之節繁及介省矣注云小減曰省僖二十一年左傳貶會省用史記集解序殊恨省畧漢書李廣傳莫府省文書注云省少也又水出邱前謂之涓邱者釋邱水出其前涓邱

泥

泥也從水冪聲

奴教切

泥也者字林濡甚曰淖蒼頡篇淖深泥也通俗文和泥曰淖廣雅游淖也成十六年左傳有淖於前杜注淖泥也漢書韋元成傳天雨淖不駕駟馬車而騎至廟門顏注淖泥也

𣶒

小溼也從水翠聲

適誅切

小溼也者小當爲下玉篇溼下溼也廣韻同本書隰阪下溼也

溼

溼暑也從水辱聲

而蜀切

溼暑也者廣韻溼溼暑熱廣雅溼溼也月令季夏之月土潤溽暑江賦林無不溽

涅

黑土在水中從水從土曰涅

奴結切

黑土在水中者也者論語釋文引同玉篇涅水中黑土廣雅涅黑也論語不日白乎涅而不緇孔安國曰涅可以染皂者言至白者染之涅而不黑山海經孟門之山其下多黃聖在石淮南說山訓流言雪汗營病以涅拭素也高云涅黑也史記屈原傳觸然泥而不滓索隱曰泥音涅目啓者啓不相近五經文字云從村從土積案本書涅從毀省

說文解字義證

卷三十四

涅

連筠籒叢書

五結切疑
惺亦從星



益也從水茲聲一曰滋水出牛飲山白陘谷東入呼

沱子之
沱切

益也者昭三年左傳庶民罷敝而宮宇滋侈二十六年傳
吾滋不從也杜注益云滋益也定三年傳邾子怒命執之
弗得滋怒茲聲者茲當爲器本書器卹木多益一曰
滋水出牛飲山白陘谷者地理志常山郡南行唐牛飲山
白陘谷滋水所出趙一清曰漢志白陘谷說文作白陘谷
谷本漢書誤也寔字記無極縣賁河從嶺州九門縣東北
界入無極界東南入滹沱河兩岸高阜無堤說文云出牛
飲山白陘谷顧案滋賁聲近東入呼沱者北山經高是
之山滋水出焉而南流注於虜沱寔字記
引水經滋水又東至新市縣入滹沱河



青黑色從水沱聲

乎骨切

廣韻作澗 集韻云隸作沱 書益稷
在治忽史記作來始沱骨卽沱之譌

青黑色者廣韻引作青黑兒集韻漬去色曰沼
呂氏春秋水之性清土者摶之高云摶濁也

𣶒

溼也從水邑聲

於及切

溼也者玉篇溼溼潤也廣雅溼溼也釋名溼也詩厭溼
行靈傳云厭溼溼意也漢書司馬相如傳瞻波趨溼郭璞
曰溼窳陷也齊民要術收
子薄布陰乾勿令溼鬱

灑

水散厓也從水從少水少沙見楚東有沙水

所加切

水散厓也者詩鳧鷖正義引作水中散厓也覆謂如散木
之散文子水之性欲積沙厓穢之楚東有沙水者水經
注渠水云新溝又東北流逕牛首鄉北謂之牛建城又東
北注渠卽沙水也音蔡許慎正作沙音言水散厓也從水
少水少沙見矣楚東有沙水謂此水也昭二十七年左傳
令尹子常以舟師及沙汭而還注云沙水名土地名沙汭
地楚東

灑

譚長說沙或從小

小子切

說文解字義證

卷三十四

寫

連筠後叢書

易需卦需于沙釋文沙鄭作沘馥案沘卽此
沘形誤水經注云音蔡蔡當爲察察少營近



水流沙上也從水賴聲

洛帶切

水流沙上也者李善注月賦引同華嚴經音義引作淺水
流沙上也一切經音義四說文水流沙上曰瀨瀨淺水也
字林瀨水流沙上也水淺流曰瀨也漢書司馬相如傳北
揭斥瀨顏注斥而淺流曰瀨魏都賦斥瀨湯湯五臣云斥
瀨有斥而淺流史記南越傳爲戈船下羈將軍徐廣曰厲
一作瀨應劭曰瀨水流沙上也論衡書虛篇瀨之流沙斥轉
者安詳淺多沙斥激揚爲瀨又狀雷篇瀨之流沙斥轉
而大斥不移景福殿賦瀨鼓鯨鯨靈運過七里瀨詩斥
淺水潺湲又山居賦瀨排沙以積邱元
和志建德縣七里瀨在縣東北十里



水厓也從水賁聲詩曰敷彼淮瀆

符分切

水厓也者釋水汝爲瀆本書涓下引作汝爲涓括地志汝
水至豫州鄆城縣名瀆經典作墳周禮大司徒辨其山林
川澤邱陵墳衍原隰之名物注云水厓曰墳廣雅墳厓也
釋地墳莫大於河墳郭云墳大防李巡曰墳謂厓岸狀如

墳墓名大防也詩遵彼汝墳傳云墳大防也楚詞九章登大墳以遠望兮注云水中高者爲墳詩云遵彼汝墳後漢書百官志司空浚溝洫修墳防之事馥案本書坊大防也諸書借墳爲坊李巡謂狀如墳墓失之胡僧曰詩汝墳傳曰汝水名墳大防也箋以爲汝水之側淮瀆傳云墳涯也箋以爲淮水大防毛鄭彼此互異正義遂謂墳從水墳從土故其義有別而實不然爾雅釋邱瀆大防康成注大司徒墳衍云水涯曰墳鄭道元以瀆爲水側之瀆是知墳與墳字別而義同其互異者乃所以互相備耳詩曰敷彼淮瀆者大雅常武文彼作鋪敦淮瀆傳云瀆厓馥案汝墳正義引此作墳厓後漢書馮緄傳敷敦淮瀆注云水涯曰瀆

隄

水涯也從水矣聲周書曰王出涘

林吏切

水涯也者本書無涯字類篇引作厓小字木徐鍇韻譜並作厓釋邱涘爲厓郭云謂水邊馥案本書過行垂厓也詩葛藟在河之涘兼葭在水之涘大明在渭之涘傳並云涘厓也信元年公羊傳自南涘何注涘水涯莊子秋水篇兩涘渚崖之間釋文云涘涯也江賦檣杞種植於渚涘五臣注渚涘皆岸也或借汜字幽通賦半疆大於南汜曹大家

說文解字義證

卷三十四

巽

連筠修叢書

日汜涯也。閭居賦或禊於汜。五臣云汜水岸也。周書曰王出涘者太誓逸篇文彼云太子發升舟中流白魚入於王舟。王跪取出涘以燎鄭注涘涯也。王出於岸上燔魚以祭。

泮

水厓也。從水午聲。

呼古切

水厓也。者經典作泮。廣韻泮水岸釋邱岸上。許郭注岸上地釋水淮爲泮。又泮水厓郭注水遶地邢疏謂水邊厓岸之地。詩葛藟在河之泮。傳云水厓曰泮。絲率西水泮。傳云泮水厓也。趙注孟子泮水厓也。江漢江漢之泮。箋云泮水厓也。後漢書馮衍傳秣吾馬於頽。泮注引字林泮水厓也。

泚

水厓枯土也。從水九聲。爾雅曰水醮曰泚。釋水文彼

居府切

水厓枯土也。者廣韻同。爾雅曰水醮曰泚者。釋水文彼作泚。釋文云泚字又作泚。說文釋水泚泉穴出穴出。爪出也。屮泚二訓與本書互異。釋名側出曰泚泉。泚軌也。流狹而長如車軌也。詩大東有冽泚泉。傳云側出曰泚泉。列子黃帝篇泚泉之播爲淵。注云泚音軌。水泉從旁出也。應劭注漢書側出曰泚泉。此皆與爾雅同。

水厓也

從水厓聲詩曰賓河之潛

常倫切

水厓也者許注淮南同本書厥水阜也廣雅潛厓也釋邱夷上灑下曰潛郭云厓上平坦而下水深者爲潛孫炎云平上陷下故名曰潛詩葛藟在河之潛傳云潛水隈也正義云隈是山岸潛是水岸故曰水隈後漢書班固傳東澹海潛注云潛水厓詩曰賓河之潛者魏風伐檀文彼作賓之河之潛今傳云潛厓也

浦

瀕也從水甫聲

浦古切

瀕也者詩釋文藝文類聚白帖並引作水瀕也徐鍇本同本書瀕水厓人所賓附玉篇水源枝注江海邊曰浦廣雅浦厓也詩常武率彼淮浦傳云浦厓也楚詞望涔陽兮極浦屈氏春秋召類篇堯戰於丹水之浦注云浦岸也一日崖也漢書司馬相如傳行乎洲淤之浦顏注浦水厓也地理志臨淮郡淮浦縣應劭曰浦厓也風土記大水有小口別通曰浦江夏記南浦在縣南三里離騷曰送美人兮南浦以其在縣之南故稱南浦述異記上虞縣有魚馳步吳中有所瓜步江中有魚步湘中有靈妃步按吳楚謂浦爲步蓋語訛耳馥案廬江箏笛浦亦稱步

說文解字義登

卷三十四

三

連筠

泚

小渚曰泚從水止聲詩曰于沼于泚

諸市切

小渚曰泚者釋水文彼作階釋邱木出其右正邱釋名作泚邱釋名小渚曰泚泚止也小可以止息其上也詩蒹葭宛在水中泚傳云小渚曰泚冕賢在渚傳云渚泚也箋云水中之有渚猶平地之有邱也谷風湜湜其泚箋云小渚曰泚隱三年左傳澗谿沼泚之毛杜注泚小渚也楚詞九壤淹低側兮京泚注云水中可居為洲小洲為渚小渚為泚或借詩字穆天子傳以飲於枝持之中郭注水岐成詩詩小渚也音止 詩曰于沼于泚者召南采芣文傳云泚也渚

沸

畢沸濫泉從水弗聲

分勿切又方未切

畢沸濫泉者宋本及類篇並作澤徐鍇木濫下引詩亦作澤詩采菽盛沸檻泉傳云盛沸泉出貌檻泉正出也瞻卬齊沸檻泉箋云檻泉正出涌出也盛沸出貌釋水濫泉正出正出涌出也釋名水正出曰濫泉濫銜也如人口有所銜口閤則見也詩十月之交百川沸騰傳云沸出隋書地理志襄陵郡梁縣有濫泉元和志緯水一名沸泉水出絳

山東谷懸流奔壑一十許丈其苑白容縣延陵季子廟前井恆自涌沸故曰沸井或借弗字漢書司馬相如傳渾弗

念汨頽注渾弗盛兒也



小水入大水曰灑從水從眾詩曰鳧鷖在灑

徂紅切

衆聲詩曰鳧鷖在灑者大雅鳧鷖文傳云灑水會也從眾者徐錯本作



別水也從水從仄亦聲

匹賣切

別水也者當爲水別也本書辰水之流別也廣韻派分流也吳都賦百川派別五臣注引字說水別流爲派廣雅

水自汾出爲派



水別復入水也一曰汜窮瀆也從水已聲詩曰江有

汜

詳里切


水別復入水也者徐錯本作水別復入也韻會同釋水決復入爲汜郭注水出去復還釋名水決復入爲汜汜已也

說文解字義證

卷三十四

七

連筠移叢書

如出有所爲畢已而還入也水經注濟水云河水東北出於定陶縣北屈左合汜水汜水西分濟濱東北逕濟陰郡南爾雅曰濟別爲濳呂忱曰木決復入爲汜廣異名也汜水又東合於河濱昔漢祖既定天下卽帝位於定陶汜水之陽張晏曰汜水在濟陰界取其汜愛引大而潤下也汜水之名於是乎在矣馥案汜愛是讀爲孚梵切與釋名賢顧炎武曰開封之汜水左傳本音凡從已而今呼爲濳汜之汜音祀以字形之似而譌也一曰汜壑瀆也者瀆當爲墮本書墮通溝也古文作釋邱縣郭注水無所通者容齋續筆水絕於已故汜字之訓說文以爲窮瀆詩曰江有汜者召南江有汜文傳云決復入爲汜本書滙下引詩江有汜漢書敘傳半疆大於南汜顏注汜江水之別也荆州記江津東十餘里有夏洲洲之首江之汜也故屈原云經夏首而西浮

灤

灤辟深水處也從水癸聲

求癸切

灤辟深水處也者徐鍇本作流水錯韻譜作流川釋水灤闕流川郭注通流玉篇灤闕流泉廣韻灤泉水通川

灤

灤寧也從水寧聲

乃定切

榮淨也者七命何異促蠟之游汀渚李善引本書淨絕小水也此引榮字訓爲之或作漏濼漢書揚雄傳梁弱水之濕深兮顏注漏深小水之兒也

火

絕小木也從水榮省聲戶局切

絕小木也者李善注甘泉賦引字林同韓詩外傳榮澤之水無吞舟之魚字或作澄集韻澄絕小木也

土

深池也從木圭聲一作切又於瓜切

深池也者方言注誇也自關而東或曰注莊子齊物論似注者注訓深

土

清水也一曰窳也從水窳聲一穎切又犀瓜切

清水也者一切經音義七引作小木也馥謂清當爲積集韻溆溆也玉篇溆牛蹄積水也一曰窳也者一切經音義引字林音隱云溆或作窳一瓜反廣雅溆下也老子注則盈范應元注當作窳門也汗下也地之窳下者水趨之

必盈

漢

積水池從水黃聲

平光切

積水池者集韻引作積水也增韻同一切經音義十七說文漢久積水池也大曰潢小曰沔沔濁水也又十一云潢池也積水曰潢也小曰沔大曰潢方言沔澗澗注沔也注云皆沔池也荆州呼潢也隱三年左傳潢汙行潦之水杜注潢汙沔水漢書敘傳應龍潛於潢汙顏注潢汙水也後漢書杜篤傳彼坻井之潢汙注云潢汙沔水也孫子行軍篇軍旁有險阻潢井注云潢者池也文選海賦決陂潢而相波字或作涅夏小正涅潦生萃傳云涅下處也有涅然後有潦

沔

池水從水召聲

之少切

池水者一切經音義二十三引作小池也廣韻沼池沼皆頡解詁沼池也廣雅沼池也風俗通孫子有金城湯池之說後人因此開地為池以養魚鼈鱉曰池曲曰沼詩采芣于沼于沔正月魚在于沼傳並云沼池也禮運龜龍在宮沼注云沼池也孟子王立於沼上趙注沼池也杜注沼池也



大陂也從水胡聲揚州浸有五湖浸川澤所仰以灌

漑也戶吳切

大陂也者廣雅湖池也風俗通義謹按傳曰陂者繁也言
因下鍾水以繁利萬物也今陂皆以灌漑續漢書郭泰謂
黃叔度汪汪若萬頃陂揚州浸有五湖者莊子逍遙游
大浸稽天周禮賦方氏東南曰揚州其浸五湖注云五湖
在吳南鄒注禹四海異物云五湖揚州浸也今屬吳管子
夏人之王鑿五湖墨子兼愛篇禹治天下南為江漢淮汝
東流注之五湖吳語伍子胥曰與我爭五湖之利者非越
乎越語興師伐吳至於五湖呂氏春秋禹通三江五湖淮
南子要略禹剔河而導九岐鑿江而通九路辟五湖而定
東海賈誼書大禹鑿河而道之九牧鑿江而導之九路澄
五湖而定東海史記河渠書於吳則通渠三江五湖貨殖
傳夫吳有三江五湖之利說苑君道篇禹瀉五湖而定東
海吳地記吳王起臺於姑蘇山太史公云余登姑蘇望五
湖五湖去此臺二十餘里越絕書越王既往平吳春祭三
江秋祭五湖馥案世之說五湖者有三一曰五湖各有其
名也義興記太湖射湖貴湖陽湖洮湖是為五湖吳中志

車防涉叢書

五湖謂貢湖游湖胥湖梅梁湖全鼎湖爲五也二曰震澤
卽太湖也禹貢震澤傳云吳南太湖名正義云五湖卽震
澤吳錄書云三江旣入震澤底定震澤吳西南太湖也釋
地吳越之閒有具區郭注今吳縣南太湖卽震澤是也三
曰太湖爲五湖也程大昌禹貢論太湖一湖而得名五湖
張勃吳錄五湖者太湖之別名以其周行五百餘里故以
五湖爲名虞翻川瀆記太湖東通松江南通雪溪西通荆
溪北通滬湖東連滬湖就太湖而五實一湖也陸龜蒙曰太
胥湖蠡湖洮湖滬湖就太湖而五實一湖也陸龜蒙曰太
湖上象咸池五車之氣故一水五名葉少蘊云周官九州
有澤藪有川有浸揚州澤藪爲具區其浸爲五湖旣以具
區爲澤藪則震澤卽具區也太湖乃五湖之總名百胡渭
云揚州澤藪曰具區共川三江其浸五湖浸卽後世所謂
湖也澤藪之水淺或盈或縮湖則淳蓄淵深四時不改今
太湖自包山以西水極淵深卽古之五湖而平望人赤震
澤之閒水瀾漫而甚淺則古之具區也澤浸之別以此雲
夢澤方八九百里獨巴邱湖常滿而不涸是亦浸也故謂
此三說以太湖爲五湖者是浸川澤所卽以灌溉也者
鄭注賦方云浸可以爲陂灌溉者地理志甯曰五湖頡注
浸謂引以灌溉者風俗通曰湖者川澤所卽以灌溉也

澗

水都也從水支聲

章移切

水都也者廣韻汝水都名風俗通水澤所聚謂之都亦曰
豬或作豬禹貢大野既豬檀弓滂其宮而豬焉鄭注南方
謂都
為豬

澗

十里為成成開廣八尺深八尺謂之澗從水血聲論

語曰盡力乎溝洫

況逼切

十里云云者考工記匠人地官遂人百夫有澗注云遂
溝洫澗皆所以通水襄十年左傳子駟為田洫注云洫用
畔溝也襄三十年傳田有封洫注云洫溝也莊子庚桑楚
篇夫尋常之溝釋文八尺曰尋倍尋曰常尋常之溝則周
禮洫澗之廣深也洫廣深八尺或借洫字詩文王有聲築
城伊洫傳云洫成溝也箋云方十里曰成洫其溝也廣深
各八尺正義洫洫音同史記夏本紀致費於溝洫論語
曰盡力乎溝洫者包注方里為井井間有溝溝廣深四尺
十里為成成間有
洫洫廣深八尺也

溝 水瀆廣四尺深四尺從水萑聲古侯切

水瀆者呂氏春秋季春紀導溝瀆釋名水注谷曰溝田
開之水亦曰溝溝搆也縱橫相交搆也 廣四尺深四尺
者考工記匠人九夫為井井開廣四尺深四尺謂之
溝地官遂人十夫有溝注云遂廣深各二尺溝倍之

溝也從水賣聲一曰邑中溝徒谷切

溝也者木書墮通溝也 一曰邑中溝者一切經音義十
二引云又邑中曰瀆也六書故邑屋中水瀆也禮運城郭
溝池以為國史晨碑修邇邑中大溝說苑昔者莊王伐陳
舍於有蕭氏謂路室之人曰巷共不善乎何溝之不沒也

渠 水所居從水桀省聲疆魚切

玉篇渠溝渠 史記有河渠書 地理志朔方
郡渠搜莽曰溝搜又北地郡義渠道莽曰義溝

水所居者渠居聲相近風俗通謹按傳曰渠者水所居也
秦時韓人鄭國穿渠孝武帝時趙中大夫白公復穿渠故
其語曰田於何所池陽谷口趙國在前白渠起後舉鍾為
雲決渠為雨涇水一石其壑數斗且溉且糞長我稷黍衣

倉京師數百萬口又鄭當時穿渠以利漕道若此非一官民俱賴其饒焉

澗

谷也從水臨聲讀若林一曰寒也

九尋切

一曰寒也者本書凜寒也臨療聲相近

澗

水艸交爲澗從水睂聲

武悲切

水艸交爲澗者釋水文李巡曰水中有草木交會曰澗釋名水草交口澗澗澗也臨水如斜臨目也詩兼葭在水之澗傳云澗水隈也字或作澗廣雅澗崖也又借麋字詩巧言居河之麋傳云水草交謂之麋釋文麋木又作澗倍二十八年左傳余賜女孟諸之麋杜注水草之交曰麋寰宇記虞城孟諸澤俗呼爲澗臺

澗

溝水行也從水從行

戶庚切

溝水行也者周禮稻人以溝蕩水注云謂以溝行水也從行者當云行管

澗

山夾水也從水間聲一曰澗水出弘農新安東南入

洛
古
切

山夾水也者釋山文廣雅澗開也釋名山夾水曰澗澗開也言在兩山之間也詩考盤在澗又于以采繁于澗之中傅並云山夾水曰澗匡謬正俗詩傳曰山夾水曰澗此引爾雅正文言兩山夾水名之為澗居然可曉而劉周之徒又音夾為頰於義無取亦為專輒易漸卦鴻漸於于釋文詩傳云涯也又澗也荀王肅云山開澗水也一日澗水出弘農新安者禹貢伊洛澗澗傳云澗出澗池山胡渭曰新安澗池水二縣澗水出新安穀水出澗池流同而源異今乃云澗出澗池山是以穀源為澗源也毛晃禹貢指南按地理志弘農郡澗池縣注穀水出穀陽谷東北至穀城入雒新安縣注禹貢澗水在東南入雒二水異縣各源同入洛則水經謂穀澗通稱未必然也釀案夏本紀伊雒澗澗索隱澗水出弘農新安縣東與本書合東南入洛者山海經白石之山澗水出其陰北流注於穀地理志新安縣禹貢澗水在東南入洛水經澗水出新安縣白石山東南入於洛括地志澗水源自洛州新安縣東白石山東北與穀水合流經洛州郭內東流入洛也胡渭曰新安無維漢志云澗入雒要其歸也其實澗東合穀至河南入雒

限

限厓也其內曰澳其外曰限從水與聲

於六切

限厓也者木書限水限厓也爾雅釋文限本或作澳廣雅
澳厓也水經注淇水云肥泉博物志謂之澳水詩云瞻彼
淇澳毛言澳隈也申鑒時事篇若亂之隆於澳也注云澳
厓內近水之地或借與字詩瞻彼淇與禮記引作澳其
內曰澳其外曰隈者徐鍇曰淮南子漁者以其隈隈曲岸
相讓內謂岸內曲隈外曲也詩曰淇隈之卽書堯典厥民
隩鄭注隈內也釋邱隈隈厓內爲隈外爲隈邢疏云隈當
作鞫傳寫誤也詩公劉芮鞫之卽傳云芮水厓也鞫究也
箋云芮之言內也水之內曰隈水之外曰鞫正義釋邱云
隈隈也厓內爲隈外爲鞫李巡曰隈水之內曰隈水之外爲
鞫孫炎云內曲裏也外曲表也是水之內曰隈水之外曰
鞫也馥案鄭注賦方引詩作芮泥畢君以鞫曰說文其外
曰隈隈字誤當作鞫爾正隈隈厓內爲隈外爲鞫釋文鞫
如字居六反字林作坻云隈厓外也九六反是爾正鞫本
作鞫無疑說文用爾正成文今作隈者後人依爾正鞫本
改之也徐鍇引詩洵鞫之卽則錯木作鞫今作隈者後人
又依說文譌本改之也馥案玉篇坻居六切涯
也水外爲坻廣韻坻與隈同曲岸水外曰隈

說文解字義證

卷三十四

陸

連筠移叢書

夏有水冬無水曰灇從水學省聲讀若學

夏有水冬無水曰灇從水學省聲讀若學

胡角切

靈石楊氏案

夏有水冬無水曰灇者釋山文集韻夏上有山字

灇

灇或不省

灇

水濡而乾也從水鸛聲詩曰灇其乾矣

呼肝切又它干切

水濡而乾也者濡如濡滯之濡乾如旱乾木溢乾封縣之乾春秋莊九年戰于乾時杜注時水旱則竭涸故曰乾時釋天在申曰涇灇李巡曰灇單盡也字或作潭釋水渾沙出一切經音義十引郭注今江東呼水內沙堆為渾洛陽北河中有中渾池是也五音集韻渾水中沙出通作灇陽縣南有水渾城詩曰灇其乾矣者王風中谷有蓆文彼作暎傳云暎於貌釋文暎徐音漢說文云水濡而乾也字作灇又作灇皆他安反

灇

俗灇從佳

灇

魚游水兒從水山聲詩曰烝然汕汕

所晏切

魚游水兒者廣韻汕魚乘水上詩曰烝然汕汕者小雅
南有嘉魚文傳云汕汕櫟也箋云櫟者今之椽罟也釋文
引本書同韻案釋器
粟謂之汕毛傳本此

水

行流也從水從廬江有汶水出於大別山

古穴切

行流也者一切經音義二引作下流也管子君臣下篇決
之則流塞之則止襄三十一一年左傳不如小決使道孟子
性猶湍水也決諸東方則東流決諸西方則西流從是
者徐錯本作支聲廬江有汶水者本書臆讀若決水之
決地理志廬江郡雩婁縣汶水北至蓼人淮水經汶水出
廬江雩婁縣南大別山北過其縣東又北過安豐縣東又
北入於淮寰宇記壽州霍邱縣汶水在縣南二百五十里
說文云行流也從水吏聲廬江有汶水出大別山又蘇林
解地理志云雩婁縣有汶水北至蓼入淮今據在雩婁縣
城南屈曲至光州固始縣入淮今呼吏水卽爲訛謬也又
云光州固始縣汶水在縣東三里源出霍山縣版石山流
入縣界出於大別山者當云雩婁大別山水經注引許
慎日出雩婁縣書內方至于大別寰宇記壽
州六安縣大別山在新縣西南三百七十里

灑灑 灑灑也從水綠聲 洛官切

灑灑也者集韻引有一曰灑也四字本書灑孑滿也滿當為灑魏策昔王季歷葬於楚山之尾樂水齧其墓姚伯啓

云說文樂灑灑也一曰灑也墓為灑流所漬故曰樂水齧其墓

灑 灑也從水香聲 都歷切

水注也者本書涿流下滴也灑水下滴灑靈光殿賦動滴灑以成響

灑 灑也從水主聲 之戌切

灑也者洞簫賦聲隘隘而注灑李善引本書同一切經音義一引作灑也灑也廣韻注灑注也詩文王有聲豐水東

注

灑 灑也從水笑聲 鳥鶴切

灑灑也者本書灑笑也經典作沃一切經音義四通俗文灑灑曰沃沃亦灑也灑也書說命啟乃心沃朕心正養當

開女心所有以灌沃我心也成六年左傳沃饒而近監服
注土平有溉曰沃襄二十五年傳井衍沃賈注下平日衍
有溉曰沃列子黃帝篇沃水之潘爲淵注云沃水泉從上
流下也史記周本紀猶其有原隰衍沃也集解引唐固曰
有溉
曰沃

涿

所以攤水也從水昔聲溼律曰及其門洒漑

所責切

所以攤水也者徐鍇本作塵漢書五行志廢河三日不流
王莽傳作邕廣雅漑漑也漢律曰及其門洒漑者史記
貨施傳洒削薄技
也洒削卽洒漑

漑

埤增水過土人所止者從水筮聲夏書曰過三漑

時制

切

埤增水過土人所止者水經注清水左右舊有二筮所
謂南筮北筮者水側之瀆聚楚詞九歌夕濟兮西筮王注
筮水涯也宣四年左傳師于漳筮杜注漳筮漳水過成十
五年傳聘而從之則決睢筮杜注筮水涯胡渭曰水過卽

匡埤增之士卽大防防大故爲人所止也左傳成十五年
華元決睢筵睢卽睢水筵則其防也故曰決王逸注西筵
云水涯杜預注漳筵云水邊義皆與說文合夏書曰過
三筵者禹貢文傳云三筵水名入漢鄭注在江夏竟陵縣
界史記索隱云水經云三筵地名在漢南郡鄖縣北孔安國
鄭玄以爲水名今竟陵有三參水俗云是三筵水寰宇記
安州漢川縣漢水源出鄖州長壽縣磨石山東南流名筵
水至復州景陵縣界名漢水禹貢山水澤地三筵地在南
郡鄖縣北沱鄖注尙書曰導漢水過三筵地說曰沔水東
行過三筵合流觸大別山阪故馬融傳玄王肅孔安國等
咸以爲三筵水名也許慎言筵者埤增水過土人所止也
按春秋左傳文公十有六年楚軍次於句筵以伐諸庸宣
公四年楚令尹子越師於漳筵定公四年左司馬戍敗吳
師於雍筵昭公二十三年司馬蒍越縕於葦筵服虔或謂
之邑又謂之地京相璠杜預亦云水際及水邊地名也今
南陽清陽二縣之閒消水之濱有南筵北筵矣而諸儒之
論水陸相半又無山源出處之所津途關路惟鄭玄及劉
澄之言在竟陵縣界經云鄖縣北沱然沱流多矣論者疑
焉而不能辨其所枉

津

水渡也從水才聲

將鄰切

水渡也者古文苑漢津賦注云都道所揆爲津說文曰津渡也釋水九河有鬲津郭注水多阨狹可隘以爲津而橫渡書秦誓大會于孟津正義津是渡處論語使子路問津焉鄭注津濟渡之處晉語亦爲君之東游津梁之上離騷麾蛟龍使梁津兮注云以蛟龍爲橋乘之以渡王隱晉書杜豫啟建河橋於富平津續漢志河東大陽縣有茅津北屈縣有采桑津甘氏星經天津九星在虛北河中主津瀆津梁

古文津從舟從淮

灋

無舟渡河也從水芻聲

皮水切

無舟渡河也者玉篇徒涉曰灋經典借馮字釋訓馮河徒涉也李巡曰無舟而渡水曰徒涉釋文馮河依字當作灋易泰卦包荒用馮河正義無舟渡水馮陵於河詩小旻不敢馮河傳云馮陵也徒涉曰馮河論語暴虎馮河孔注馮河徒涉哀九年左傳是謂如川之滿不可游也杜注不可馮游詩百朋六韜作百馮



小津也從水橫聲一曰以船渡也

戶孟切

小津也者或借潢字天官書旁有八星絕漢曰天潢一曰以船渡也者玉篇方舟謂之橫橫航也廣韻橫方舟也一曰荊州人呼渡津舫為橫或作橫廣雅橫筏也方言方舟謂之橫郭注揚州人呼渡津舫為杭荊州人呼橫音橫或借杭字詩誰謂河廣一葦杭之傳云杭渡也又借橫字六韻大船一名天橫以濟大水又借杭字廣雅輪謂之杭集韻輪船前杭也



編木以渡也從木付聲

芳無切

編木以渡也者集韻付併木以渡廣韻付小木筏也筏下云大曰筏小曰桴乘之渡水方言付謂之篛篛謂之筏筏秦晉之通語也馥案三國志注引郭注方言云付水中篛也篛或作篛後漢書岑彭傳乘枋篛下江關注云枋篛以竹木為之浮於水上鄧訓傳縫革為船置於篛上以渡河注云篛木筏也釋言舫付也郭注水中篛筏孫炎云方木置水中為付筏也釋水庶人乘付郭注併木以渡詩漢廣不可方思傳云方付也釋文付本亦作付又作桴或作付

竝同谷風方之舟之箋云方泝也齊語方舟設泝卓注編
木曰泝楚詞九章乘汜泝以下流今注云編竹木曰泝楚
人曰泝秦人曰檝也吳志妃嬪傳宜伐蘆葦以爲泝佐船
渡軍字或作箱廣雅箱後也又作泝管子輕重甲爲桡者
冬不爲桡夏不束泝以觀凍溺又作泝一切經音義二泝
編竹木也大者曰筏小者曰泝江南名簿論語乘泝浮於
海馬曰編竹木大者曰泝小者曰泝

濟

濟也從水度聲徒故切

濟也者釋言濟渡也詩匏有苦葉濟有深涉或借度字方
言過度謂之涉濟注云猶今云濟度漢書賈誼傳度江河
稻 凶維

沿

緣水而下也從水台聲春秋傳曰主沿夏與專切

緣水而下也者沿緣聲相近一切經音義二十二字林從
水而下曰沿順流也沿亦緣也禹貢沿于江海古文作均
鄭注均讀曰沿沿順水行也文十年左傳沿漢沂江杜注
沿順流定四年傳子沿漢而與之上下杜注沿緣也或借

兌之澤之長登 卷二十一 三 車陶蔭義

巡字祭義陰陽長短終始相巡注云巡讀如沿漢之沿
春秋傳曰主沿夏者昭十三年左傳文主當為王杜注順

流為沿

滌

逆流而上曰滌泗滌向也水欲下違之而上也從水

滌聲 桑故切

逆流而上曰滌泗者釋水文孫炎曰逆渡者逆流也俗作
沂文十年左傳沿漢沂江杜注沂逆流哀四年傳吳將沂
江入郢杜注逆流曰沂吳語率師沿海沂淮以絕吳路韋
注逆流而上曰沂後漢書班固傳沂測其源李注逆流曰
沂吳都賦沂泗順流五臣注沂逆流上也宋書張興世傳
乃令輕舸沂流而上 滌向也水欲下違之而上也者向
當為回一切經音義十九三蒼逆流之水曰沂沂泗也說
案違之而上即解回字義回猶違也昭二十六年左傳君
無違德論衡變
虛篇引作回德

滌

滌或從是朝

詩兼段遡洄從之傳云逆流而上曰遡洄 七發滿
流遡波李注遡波逆流之波也 本書諱或作調恕

洄

遡洄也從水從回

戶灰切

遡洄也者宋書張興世傳妨人
洄洄 從回者徐鍇本作回聲

潛

潛行水中也從水永聲

爲命切

潛行水中也者釋水潛行爲沔郭注本底行也列子黃帝
篇因復指河曲之淫隈曰彼中有珠沔可得也注云沔潛
行水中也詩漢之廣矣不可沔思傳云潛行爲沔谷風沔
之游之箋云潛行爲沔晉書謝玄傳小將田泓乃沒水潛
行

潛

涉水也一曰藏也一曰溼水爲潛從水替聲

昨鹽切

涉水也者玉篇潛水中行也廣雅潛沒也宋書胡藩傳全
鑑入水潛行三十許步方得登岸晏子治少不能游潛行
逆流百步順流九里 一曰藏也者易文言陽氣潛藏又
曰潛之爲言也隱而未見行而未成書洪範沈潛剛克詩

見之降不長登

卷二十一

三

連筠篠叢書

正月潛雖伏矣 一曰潛水爲潛者釋水漢爲潛郭注書曰沱潛既道音義云有水從漢中沔陽南流至梓潼漢壽入大穴中通峒山下西南潛出一名沔水舊俗云卽禹貢之潛也水經注瀘水云劉澄之云有水從阿陽縣南至梓潼漢壽入大穴中暗通剛山郭景純亦言是矣剛山穴小本不容水水成大澤而流與漢合又注潛水云潛水蓋漢水枝分潛出故受其稱耳今爰有大穴潛水入焉通剛山下西南潛出謂之伏水或以爲古之潛水鄭玄曰漢別爲潛其穴本小水積成澤流與漢合大禹自導漢疏通卽爲西漢水也故書曰沱潛既道夔案此注在水經潛水下經之潛當爲濤鄴氏誤以爲禹貢之潛故與經不符而說此潛水則了了矣禹貢浮于潛逾于沔鄭注或謂漢爲沔史記夏本紀沱洳已道集解云漢爲沔索隱云沔亦作潛潛出漢中安陽縣西北入漢蜀都賦演以潛沫劉注禹貢梁州云沱潛既道有水從漢中沔陽縣南流至梓潼漢壽縣入穴中通剛山下西南潛出今名複水舊說云禹貢潛水也郡國志犍爲郡江陽下注云潛從縣南流至漢嘉縣入大穴中通剛山下西南潛出庾仲雍云墊江有別江出長壽縣卽潛水也括地志潛水一名復水今名龍門水源出利州縣谷縣東龍門山大石穴下也元和志縣谷縣本漢

葭萌縣地潛水出縣東北龍門山書曰沱潛既道是也又云龍門山在利州縣谷縣東北八十二里潛水所出寰宇記引梁州記蔥嶺山有石穴高數十丈其狀如門號爲龍門輿地紀勝龍門洞在縣谷縣北凡爲洞者三有水白第一洞發源貫通兩洞下合嘉陵江此卽潛水也胡渭曰梁州之潛一而已漢廣漢郡有葭萌縣蜀改曰漢壽屬梓潼郡故郭璞云西南至梓潼漢壽縣入大穴中卽樂史所謂三泉故縣南有大寒水西流至龍門山入大石穴者也晉改漢壽曰晉壽故庾仲雍云墊江有別江出晉壽卽潛水大元中分晉壽置興安縣隋改曰縣谷唐因之故隋志云縣谷縣有龍門山元和志云潛水出縣谷縣龍門山明改曰廣元縣故近志縣東北有龍門山潛水出焉縣名五變其地一也今縣北有龍門洞王象之輿地紀勝曰龍門洞在縣谷縣北凡爲洞者三自朝天程入谷十五里有石洞及第二第三洞有水自第三洞發源貫通兩洞下合嘉陵江渭按此卽禹貢之潛水也然廣元舊志云源出縣北一百三十餘里木寨山流經神宣驛又南二十里經龍洞口至朝天驛北穿穴而出入嘉陵江與括地元和志不同意者木寨山乃水自沔陽來之所經而人誤以爲出歟元和志龍門山在縣東北八十里今以舊志所言考之木寨山

南十餘里爲神宣驛又南二十里爲龍洞口又南二十里爲朝天驛去縣八十里怡與龍門之里數相符蓋朝天驛之穴卽龍門山之穴也其輿地紀勝所謂自第三洞發源貫通兩洞者卽舊志所謂經龍洞口至驛北穿穴而出郭璞所謂入大穴通峒山下西南潛出者也自此以下歷昭化劍州蒼溪閬中南部達州南充合州至巴縣入大江禹通謂之潛後人稱爲西漢水至唐又稱嘉陵江而潛之名遂晦其水出隴西西縣蟠冢山者自爲嘉陵江之發源下流與潛水合而潛水實不出於彼也

淙

水入船中也一曰泥也從水金聲

古暗切

一曰泥也者本書沈濁也諸書借沈字莊子達生篇沈有履注云沈水汙泥也漢書制法志山川沈斥顏注斥卽斥鹵沈卽川澤風俗通出澤篇沈澤之無水斥鹵之類也或通作涵廣韻涵水入船

淙

淙或從今

浮

浮也從水乏聲

浮也者漢書郊祀志
泛泛滇滇從高游

浮

浮行水上也從水從子古或以子爲沒

似由切

言拍浮爲浮淮南說林訓舟覆乃見善浮經典借游字華
嚴經音義游浮於水上也列子釋文浮水曰游廣雅浮游
也爾雅順流而下曰游游孫炎曰順流者順流也書君奭
若游大川正義游者入水浮渡之名詩蒹葭遡游從之傳
云順流而涉曰遡游周禮萍氏禁川游者注云倘波洋辛
至沈溺也祭義舟而不游緇衣故大人不倡游言注云游
猶浮也莊十八年左傳闕救游桶而逸杜注游涌水而走
列子黃帝篇能游者可救也注云浮水曰游文子善游者
必溺符子惠子曰有一人溺流而下呼施救之施應曰吾
不善游方將爲子告急於東越之王簡其善游者以救子
可乎韓非說林篇假人於越而救溺子越人雖善游子必
不生矣淮南地形訓食水者善游能寒高注魚鼈鷺鶩之
屬齊俗訓游者不能拯溺手足有所急也詮言訓渡水而
無游數雖強必沈有游數雖贏必達說林訓游者非手足
以手拂不得其數愈蹙愈敗及其能游者非手足者矣說

苑今舟中水而運甚始治裝衣而下游乎後漢書馬援傳
男兒溺成何傷而拘游哉注云游浮也劉氏新論貴速篇
滿波漂人必奔游拯之南州異物志合浦有民善游兒年
十餘便教入水求珠又云合浦之習水者善游入如沈縮
出如輕兒唐書柏良器傳擇鬻手善游者沿江渠夜入通
鑑商胡以巨舟濟河北兵至中流悉殺之有獸醫游水得
免又云高仁厚募善游者監賊舟又云李歸仁爲郭子儀
伏兵所敗游水而逸又云韓晃將王栖曜游汴水夜入寧
陵城古或以汙爲沒者方言潛沈也游也郭注潛
行水中亦曰游釋言流游也郭注云潛行游水底

汙或從囚聲

一切經音義十一泗正字作汙說文云浮水上者也列子
說符篇人有濱河而居者習於水勇於泗中鑿政體篇濟
大川者太上乘舟其次泗泗者勞而危乘舟者逸而安南
齊書張敬兒傳乘舡過江中江遇風船覆左右可壯者各
泗走御覽引袁山松白鹿詩序荆門山臨江北岸有一白
鹿泗過注云泗音囚言浮過也顧炎武曰越世家乃流放
流二千習流謂士卒中之善泗者別爲一軍素隱乃曰流放
之罪人非也庚信哀江南賦彼錡牙而鉤爪又循江而習流

履

履后渡水也從水從后詩曰深則屨

力制切

履后渡水也者楚詞九歎懼舟杭以橫瀾兮注云瀾渡也由膝以上爲瀾也經典通作屨詩有孤在彼洪屨列子說符篇有一丈夫方將屨之注云屨涉水也史記司馬相如傳橫厲飛泉以正東正義屨渡也後漢書班超傳超更從它道屨渡注云由帶以上爲屨履案諸書皆本爾雅與本書異詩曰深則屨者郝風馳有詩葉文彼作屨傳云以衣涉水爲屨謂由帶以上也釋文引韓詩至心曰屨釋水濟有深涉深則屨淺則屨屨者揭衣也以衣涉水爲屨膝以下爲屨膝以上爲屨履者震曰詩之意以水深必依橋梁乃語由膝以上爲屨戴君震曰詩之意以水深必依橋梁乃可過喻禮義之大防不可犯若淺水則褰衣而過尙不濡衣水經注云段國沙州記吐谷渾於河上作橋謂之河屨此可證橋有屨之名衛詩淇梁淇屨並舉屨同梁之屬也就茲一字爾雅失其傳說文得其傳

屨

屨或從屨

水

水上人所會也從水奏聲

倉奏切

水上人所會也者一切經音義十一字林湊水上人所會也湊亦聚也廣雅湊聚也賈注國語湊聚也王注楚詞湊聚也周書作維解以爲天下之大湊注云湊會也燕策士爭湊燕漢書溝瀆志水行地下湊澗上徽詡靈運山居賦

衆流所湊

川

沒也從水甚聲一曰湛水豫章沒

宅賦

沒也者論衡明雪篇變復之家以久雨爲湛久陽爲旱旱應亢陽湛應沈湖漢書五行志左氏昭公二十四年十月癸酉王子暹以成周之寶圭湛于河史記河渠書寧長葵兮湛美玉經典借沈沈字廣雅沈沒也小爾雅沈沒也書洪範沈潛剛克詩菁菁者莪載沈載浮襄十八年左傳沈玉而濟定三年傳執玉而沈尙書大傳沈四海周禮大宗伯以狸沈祭山林川澤視禮祭川沈禱天祭川曰浮沈戰國策城之不沈者三板又學者沈於所問一曰湛水豫章沒者周禮曠方氏正南曰荊州其沒頽湛鄧注頽宜爲豫州在此非也湛未聞馥案本書豫章浸當爲豫州許慎又云合地理志荊州審曰頽湛顏注頽水宜屬豫州許慎又云湛水豫州沒並未詳也丁君杰曰城方荊州其沒頽湛豫

州其浸波差說厥地地理志因之鄭康成注周官未聞
水所在又誤以波爲榮播而疑潁宜屬豫注宜屬荆於地
形頗合不知說文已證周官地理志之誤矣說文潁豫州
浸湛豫州浸湛荆州浸是許氏所見周官最爲善本至水
經卷六之湛水出河內軹縣卽河水篇中所云東逕平陰
縣北湛水從北來注之者與豫州之浸泚不相涉襄十六
年左傳楚公子格帥師及晉師戰于湛阪注云襄陽昆陽
縣北有湛水東入汝土地名昆陽縣北有蒲城蒲城北有
湛水水經注汝水云湛水出犇縣北魚鹵山西北東南流
歷魚齒山下爲湛浦方五十餘步春秋襄公十六年晉伐
楚報揚梁之役楚公子格及晉師戰於湛阪楚師敗績遂
侵方城之外今水北悉枕翼山阜於父城東南湛水之北
山有長阪蓋卽湛水以名阪故有湛阪之名也湛水又東
南逕蒲城北京相璠曰昆陽縣北有蒲城蒲城北有湛水
者是也湛水又東於汝水九曲北東入汝杜預亦以是水
爲湛水矣周禮荆州其浸潁潁鄭玄云未聞蓋偶有不照
也今考地則不乖其土言水則有符經文矣郡國志潁川
郡昆陽有湛水元和志汝州龍興縣湛水在縣東三十里

古文

灑

沒也從水灑聲

於真切

沒也者集韻灑沒水中也廣雅灑沒也釋詁灑落也郭注灑沈落也

沒

沒也從水從人

奴歷切

沒也者玉篇引孔子曰君子休於日小人休於水今禮記緇衣作溺注云覆沒不能自理出也方言出休為拏又云涅休也廣雅涅沒也又云溺沒也釋名成於水曰溺溺弱也不能自勝之言也詩桑柔戢脊及溺樂記姦聲以濫溺而不止真誥有人拜河水河伯教以水行不溺法徐鍇木有讀與溺同四字

沈

沈也從水冫聲

莫勃切

沈也者沈當為湛水書湛沒也冫入水有所取也顛內頭水中也小爾雅沈沒也僖四年左傳昭王南征而不復高注戰國策引作沒而不復唐石經旁增沒字襄二十四年傳何沒沒也杜注沒沒沈滅之言莊子達生篇若乃夫沒人則未嘗見舟而便操之也注云沒人謂能務沒於水底說苑不臨於深淵何以知沒溺之患

油

沒也從水畏聲

烏決切

沒也者廣韻沒澗
沒廣雅澗沒也